

四庫全書

經部

欽定四庫全書

經部

春秋地名攷畧卷七

詳校官監察御史<sub>臣</sub>劉湄

給事中<sub>臣</sub>溫常綬覆勘

總校官庶吉士<sub>臣</sub>倉聖脉

校對官助教<sub>臣</sub>羅萬選

謄錄貢生<sub>臣</sub>周培

欽定四庫全書

春秋地名攷畧卷六

詹事府詹事高士奇撰

鄭

國于新鄭

宣王封弟友于鄭居咸林詳見秦地棧林今陝西華州也幽王八年友為周司徒是

曰鄭桓公國語桓公問于史伯曰王室多故今懼及焉其何所可以逃死史伯曰濟洛河潁之間虢

鄭為大號叔時勢鄭仲時險若以周難之故而寄

紂與賄不敢不許是驕而貪必將背君若以成周之衆奉辭伐罪無不克矣若克二邑鄆蔽補丹依

之

春秋地名攷畧

二

而食溱洧可以少固公說乃東寄孥與賄號鄭受  
之十邑皆有寄地史記曰桓公卒言王東徙其民  
雒東而號鄭果獻十邑竟國之班固地理志桓公  
死其子武公與平王東遷卒定號鄭之地竹書紀  
年晉文侯二年同王子多父伐鄭克之乃居鄭父  
之丘名之曰鄭八年王錫司徒鄭伯多父命十四  
年鄭人滅號十六年鄭遷于溱洧此鄭國東徙之  
說也其地為祝融氏之墟黃帝嘗都此後為鄭國  
鄭居之號曰新鄭以別于初封之鄭也杜註在滎  
陽苑陵縣西南今新鄭縣東北三十八里有苑陵  
城班固曰今河南之新鄭及滎陽成臯潁川之崇  
高陽城皆鄭分也鄭為韓所滅韓哀侯自平陽徙  
都之秦為潁川郡漢置新鄭縣屬河南郡晉省劉  
宋復置屬滎陽郡北魏省隋復置屬鄭州唐宋因  
之金元屬鈞州今仍為新鄭縣屬河南府古鄭城  
在縣治西北縣有溱水在北洧水在南天驄山在

西南四十里即史伯所云也臣謹按史伯曰前  
莘後河右洛左濟惟今鄭州形勢足以當之郡國  
志州東有莘城此前莘之說也若新鄭在鄭州南  
四十里莘在後矣或者初遷時嘗居此其即竹書  
所謂鄭父之丘與其地亦祝融氏之虛周封管叔  
鮮詳管下再考鄭桓公封于宣王二十二年竹書  
所云晉文侯二年為幽王三年後八年桓公死于  
犬戎之難明年平王立即為武公掘突元年晉文  
侯十四年乃平王四年也圖鄆事桓公始之武公  
咸之與漢書合惟桓公先有克鄆之事乃國語所  
無應知史伯之謀非無因而發所云克鄆不過先  
克其一城耳存之侯考再按桓十一年公羊傳  
曰古者鄭國嘗處于留先鄭伯有善于鄆公者通  
乎夫人以取其國而遷鄭焉而野留蓋此即寄孥  
之說也先鄭伯即指桓公矣武公既定都新鄭則  
棄留為鄆野故何氏云野鄆也惟是十邑中無留

或者其即味與或曰古有莘城國語謂之莘墟鄭桓公以周衰徙都于留此與鄭州之莘相混不可從也留後為陳併故曰陳留秦置陳留縣漢為陳留郡治今仍為縣再按南鄭今之漢中桓公死

幽王之難其民南奔居于褒斜之中故號南鄭此華州鄭縣之民也與新鄭立國無與

### 鄆

隱元年鄭伯克段于鄆杜注鄆今潁川鄆陵縣成十六年晉楚戰于鄆陵杜注鄆地今屬潁川郡

語富辰曰昔鄆之亡由仲壬韋昭曰鄆妘姓之國臣謹按杜注鄆與鄆陵為一地蓋鄆古國也

仲壬氏女為鄆夫人鄆亦妘姓富辰又曰鄆因叔妘注曰鄆娶同姓也鄆亡以女既即公羊氏之說

而鄆事不可考豈總由叔妘耶韋昭又曰鄆為鄭武公所滅唐尚書云鄆鄆皆武公所滅鄭既滅鄆

初仍其故名後乃改為鄆陵耳鄭亡為韓地史記韓宣惠王十四年秦敗我于鄆秦始皇二十二年

李信攻楚鄢郢胡氏曰時楚遷壽春所謂鄢者即此郢即陳州也漢為鄢陵縣屬潁川郡晉魏因之

北齊省入許昌隋復置唐移今治古鄢陵城在今縣西南四十里

### 制

制巖邑也號叔死焉杜注號叔東號君也恃制巖險而不設備鄭滅之東號今滎陽縣隱五年燕

人畏鄭三軍而不虞制人杜注北制鄭邑今河南成臯縣也一名虎牢臣謹按苑陵縣有制田苑

陵今鄭州也成臯在其北故別之為北制襄十年諸侯之師成鄭虎牢晉師城梧及制杜注所以云

虎牢制為一地也虎牢穆天子傳云天子獵于鄭圃虞人掠林有虎在葭中七萃之士高奔戎生擒

之獻于天子命為之柙畜諸東號是謂虎牢莊二十三年鄭伯享王王與之武公之畧自虎牢以東

杜注武公傅平王王與之虎牢以東後失其地水經注曰河水東逕成臯大伾山下成臯秦所置縣

舊名虎牢漢成臯縣屬河南郡後漢書作成臯張  
揖曰大伾成臯縣山也魏晉復稱成臯劉宗置司  
州北魏置豫州後改北豫州東魏置成臯郡後周  
置榮州隋置鄭州皆治此大業中改縣曰汜水唐  
改屬洛州又改孟州宋初屬洛州後改屬  
孟州金屬鄭州今仍之古虎牢城在縣西

# 京

請京使居之杜注鄭邑今滎陽京縣臣謹按古  
京東號地漢二年與楚戰滎陽南京索間蒯通曰  
楚人起彭城轉鬪至滎陽威震天下然兵困于京  
索之間迫西山而不敢進謂此也尋置京縣屬河  
南郡建武初宗室劉茂聚眾京密間自稱厭新將  
軍遣將擊降之晉屬滎陽郡後魏因之北齊省入  
滎陽縣水經注小陘之山器難之水出焉北逕京  
縣故城西入于旃然水古京城在今滎陽縣東南  
十二里或  
曰三十里



祭

隱公元年祭仲始見桓十一年祭封人祭足杜注  
陳留長垣縣東北有祭城 臣謹按後漢志長垣

縣有祭城章懷即引杜注惟括地志云故祭城在  
管城東北十五里即祭仲邑管城者今鄭州也管

城之祭路史以為周祭伯采邑詳周地或又疑鄭  
并祭國以封仲考祭伯祭仲同見于隱公元年至

桓五年繻葛之戰祭足為左拒桓八年祭公來遂  
逆王后于紀莊二十三年祭叔來聘祭未嘗滅也

鄭安得取以封仲乎或者但知長垣近衛鄭不能  
有不知列國錯壤甚多即如祭仲省留取道于宋

而被執則留亦錯入宋境矣長垣之旁有滑鄭衛  
日爭之然則長垣固亦鄭衛相接之地耳今長垣

縣南至蘭陽九十里

廩延

至于廩延杜注鄭邑陳留酸棗縣北有延津  
襄三十年游吉奔晉駟帶追之及酸棗杜注酸

東陳留縣臣謹按廩延酸棗間為一地水經曰  
河水又東北流渭之延津蓋延津者廩延之津也  
漢初平二年袁紹自河南還軍延津建安五年曹  
操敗袁紹渡河追至延津晉咸和四年石勒破劉  
曜途出于此以河水津為神靈之助號靈昌津謂  
此也鄭又改名酸棗戰國策蘇秦曰魏北有河外  
卷酸棗史記魏文侯三年伐鄭城酸棗取鄭地而  
城之也始皇五年使蒙驁攻魏拔酸棗漢置酸棗  
縣屬陳留郡晉因之魏省入小黃後復置屬東郡  
北齊省入南燕縣隋復置屬滑州唐因之梁屬開  
封府宋改為延津縣金以後因之古酸棗城在縣  
北十五里今縣治舊在黃河南成化十五年河決  
從城南流入封丘  
縣延津遂在河北

城潁

遂置姜氏于城潁杜注鄭  
地孔潁達曰即臨潁縣

潁谷

潁考叔為潁谷封人 臣謹按潁谷城潁皆未詳所在志稱洧川縣西南十里有牛脾山即莊

公闕隧見母處後漢志張齊民北征記苑陵東南有大隧澗鄭莊公所闕或言許州東有潁谷城北二十里有潁考叔墓或言潁水出登封縣之潁谷元好問有詩云洩洩潁谷雲融融潁川水未知孰是

長葛

隱五年宋人伐鄭圍長葛杜注潁川長社北有長葛縣 臣謹按漢志長社縣屬潁川郡應劭

曰宋之長葛也其社中樹暴長因更名後漢書長社縣有長葛城戰國時屬魏秦昭襄三十三年取魏長社水經注洧水與龍淵水合出長社縣西北又經長社縣故城北鄭之長葛邑也後為縣徙于南與社縣北之說合晉潁川郡初治許昌後徙治長社東魏武定中侯景以郡降西魏清河王岳復

取之以城多崩頽徙治頽陰仍置長社縣為郡治  
今許州是也自金元猶以長社為附郭縣明初始  
省隋開皇六年分許昌別置長葛縣屬潁川郡唐  
仍之括地志云故城在今縣西一里蓋漢改長葛  
為長社已移于南東魏再移又南隋別置之縣還  
在古長葛地也今仍為長葛縣屬許州桓五年戰  
于繡葛或云即長葛也鄭  
初築城有葛蔓其上故名

**枋**

隱八年鄭伯使宛來歸枋公羊作邴杜注在瑯琊  
費縣東南臣謹按後漢志泰山郡費侯國有枋  
亭又水經注西南一百里有大崖阜枋水所出東  
南流至下邳界合浚河枋之得名以此西漢費縣  
治枋城東漢移治薛固晉因之後周移陽口山南  
隋復移治枋城今沂州費縣治西有古枋城自易  
許田後  
屬魯

鄔見周地

劉見周地

蔦見周地

邗見周地

狐壤隱

此

十一年公與鄭人戰于狐壤止焉杜注鄭地  
後漢志潁陰縣有狐宗鄉或曰狐人亭疑即

時來

隱十一年公會鄭伯于時來杜注時來邾也  
陽縣東有釐城鄭地也臣謹按公羊作邾黎

一曰邾本子姓國有時氏今  
開封府東四十里有釐城

武父

桓十二年盟于武父杜注鄭地陳留濟陽縣東北有武父城臣謹按濟陽在兗州曹縣西南

四十里或謂鄭地不  
及此疑為宋地俟考

渠門

桓十四年宋以諸侯伐鄭焚渠門入及大逵伐東郊取牛首杜注鄭城門臣謹按鄭城諸門

見于傳者最多此渠門蓋東門也宣十二年楚克鄭入自皇門城南門也吳氏曰諸侯國各以其所

向之地為名皇周邑蓋走王畿之道也襄十年晉以諸侯之師伐鄭門于郭門師之梁及北門吳氏

曰魯嘗取郭衛有郭澤郭門者國之東門走魯衛之道也師之梁西門也襄三十年伯有之亂鄭伯

及其國人盟于師之梁之外昭七年公如楚鄭伯勞于師之梁皆謂此也又有墓門詩墓門有梅襄

三十年伯有自墓門之潰入國西門也又有純門亦西門或曰外郭門也莊二十八年楚伐鄭衆車

入自純門又有時門鄭南門也昭十九年鄭大水龍闕于時門之外洧淵又哀二十七年晉知伯伐鄭入南里門于桔扶之門杜注桔扶之門鄭遠郊之門蓋亦鄭南門矣又有閨門昭元年鄭為游楚之亂諸大夫私盟于閨門之外實薰隧杜注閨門鄭城門薰隧門外道名或曰閨門鄭內官北門薰隧如後世複道馬又有倉門尉止之亂子產請焚載書于倉門之外倉門鄭之東南門以面石倉城而得名石倉城在陳留西南七十里水經注八里溝南經石倉城城冢記鄭莊公理開封築此城積倉粟曰盛倉城盛與石音相近故號石倉城

牛首

見上杜注牛首鄭地臣謹按後漢志魯國有牛首亭五父衢章懷即引左傳伐東郊取牛首

為注此誤也水經注沙水自浚儀又東南徑牛首鄉又東至陳留王氏通釋牛首亭在陳留縣西南

四十一里今陳留縣西南十一里  
牛首鄉有牛首城俗謂之車牛城

### 周氏之汪

桓十五年祭仲殺雍糾尸諸周氏之汪地  
注汪池也 吳氏曰鄭大夫周氏之池地

在南郊近桔杖之門又僖三十三年楚  
子上伐鄭納公子瑕瑕覆于周氏之汪

### 櫟

桓十五年鄭伯突入于櫟杜注鄭別都也今河南  
陽翟縣 臣謹按櫟禹之所居即陽翟也周書武

王克商至周曰吾其有夏之居乎遂營洛邑徐廣  
曰陽翟夏地也後漢書陽翟禹所都史記貨殖傳

曰潁川南陽夏人之居也潁川即陽翟矣左傳夏  
啟有鈞臺之享杜注陽翟縣南有鈞臺陂魏叔志

云陽翟有禹山祠又有鈞臺陂陂方十里水經注  
連山亦曰啟筮亭帝饗神于大陵之上即鈞臺矣

世紀云禹封夏伯蓋始封于此後都平陽或在安  
邑故顏師古曰陽翟禹封于此非都也春秋時為



櫟莊十年王室亂鄭伯以王歸處于櫟僖二十四年狄伐鄭取櫟宣十一年楚伐鄭及櫟昭元年楚公子圍使公子黑肱城櫟蓋是時櫟已屬楚後改為陽翟戰國初入于韓韓景侯自平陽徙都之鄭世家縑公二十三年圍韓之陽翟既而韓滅鄭都新鄭後復自新鄭徙都焉秦置陽翟縣為潁川郡治漢初以封韓王信後仍為潁川郡晉徙潁川郡于許昌以縣屬河南郡東魏置陽翟郡隋廢以縣屬伊川唐初屬嵩州後屬許州宋屬潁昌府金置潁順州後改鈞州以鈞臺為名也明初省陽翟縣入之萬曆三年以避諱改禹州今仍之

滑

莊三年公次于滑杜注鄭地在陳留襄邑縣西北臣謹按後漢志襄邑有滑此杜氏所本今睢州

有滑亭是矣然滑有三倍二十年鄭人入滑杜氏無注或以為即緱氏之滑非也緱氏之滑所謂費

滑也在今偃師縣詳周地入滑傳曰滑人叛鄭而服于衛鄭師入滑僖二十四年天王居鄭傳曰鄭之入滑也滑人聽命師還又即衛公子士洩堵俞彌帥師伐滑王使伯服游孫伯如鄭請滑鄭不聽命然則滑在鄭衛交境之地明矣緱氏遠在河南非衛所及也熊過以為大名之滑縣良有見矣滑縣漢為白馬縣劉宋為滑臺城水經注曰滑臺有三重城中小城乃滑臺人所築即鄭廩延邑南故城即衛之平陽也其所謂廩延謬也而兩國分境則可據矣元和郡縣志曰滑臺城有三重中小城滑氏為壘後人增以為城高堅峻險臨河有臺故曰滑臺滑氏者豈即滑國之苗裔與再考是時鄭祭仲之食邑在長垣與滑逼近乃衛戴公避狄渡河野處曹邑齊桓公城楚丘以封衛皆在滑境蓋衛都邑所在故鄭人爭之而終不得也又其地自宋南渡後大河南徙始裂居河北而滑臺舊蹟又

淪于河中在當時原與鄭接壤此其所以爭之甚力也

大陵

莊十四年鄭厲公自櫟侵鄭及大陵獲傅瑕杜注鄭地臣謹按京相璠曰潁川臨潁縣東北

有故巨陵亭古大陵也乃陳蕃為亭長所辱處今臨潁縣北三十里有巨陵亭

弭

莊二十一年胥命于弭杜注鄭地鄭西鄙地在今禹州密縣境

虎牢

見制

扈

莊二十三年盟于扈杜注鄭地後漢志卷縣有扈成亭今在開封原武縣西北竹書紀年晉出公

二十二年河絕于扈即此

桔枳之門

見渠門

純門

見渠門

桐丘

莊二十八年鄭人將奔桐丘杜注許昌東北有桐丘故許昌城在許州東三十里漢許縣魏

黃初二年改許昌為五都之一晉為潁川郡治宋省為鎮今扶溝縣西二十里有桐丘亭即此哀二

十七年晉荀瑤伐鄭次于桐丘

新城

僖六年伐鄭圍新城杜注鄭新密今滎陽密縣傳曰圍新密鄭所以不時城也杜注實新密而

經言新城者鄭以非時興土功齊桓聲其罪以告諸侯古密國後為鄭國地漢密縣治此屬河南

郡即卓茂所治也晉屬滎陽郡隋大業間移治法橋堡屬鄭州即今縣治元改屬鈞州今仍之古城

在縣東南三十里

新密

見上

柯澤

僖二十一年鄭文夫人勞楚子于柯澤杜注鄭地臣謹按襄十四年衛孫氏敗公徒于阿澤

水經注作柯澤此在東阿非鄭之柯澤也

汜

僖二十四年王適鄭處于汜杜注鄭南汜也京相璠曰本鄭汜水之地以周襄王居之故號曰襄城南汜水出襄城縣浮城山至鄭州汜水縣入河成

七年楚子重伐鄭師于汜襄二十六年楚伐鄭涉于汜杜注于汜城下涉汝水南歸也又昭五年楚

子使令尹子蕩如晉逆女過鄭伯勞諸汜史記

晉成公十五年伐鄭取汜皆此汜後屬魏魏昭王

元年秦拔我襄城秦為襄城縣屬潁川郡二世二年項梁使項羽別攻襄城是也晉為襄城郡治大

業初郡廢唐以縣屬許州後改屬汝州宋仍之金復屬許州今仍之古汜城在縣南

踐土

僖二十八年盟于踐土杜注鄭地臣謹按晉文公敗楚于城濮還至衡雍作王宮于踐土括

地志滎澤縣西北十五里有王宮城城內東北隅有踐土臺即諸侯盟處去衡雍三十餘里寰宇記

王宮城在縣北四十五里唐滎澤即今縣治

衡雍

見上杜注鄭地今滎陽卷縣臣謹按後漢志卷有垣雝城或曰古衡雍京相璠曰濟隧上

承河水于卷縣北河南逕卷縣故城東又南逕衡雍城西秦昭王八年韓獻垣雍以和戰國策魏王

曰秦許我以垣雍魏公子無忌謂秦有鄭地得垣雍皆此也括地志卷縣故城在原武縣西北七里

即衡雍城今原武縣西北五里別有衡雍城

函陵

傳三十年晉秦圍鄭晉軍函陵秦軍汜南  
宇記曰函陵在新鄭縣北十三里洧水流逕其

北山形如函  
故名函陵

汜南

見上杜注此東汜也在滎陽中牟縣南入官渡水今滎杜佑  
謹按古汜水在中牟縣南入官渡水今滎杜佑

曰此東汜水也秦軍汜南在此水之南也  
又襄九年晉會諸侯伐鄭師于汜亦在此

原圃

傳三十三年皇武子曰鄭之有原圃杜注原圃  
即圃田也臣謹按周禮豫州藪曰圃田爾雅

十藪鄭有圃田穆天子傳曰祭父自圃鄭來謁天  
子飲于洧上遣祭父如圃列子居鄭圃四十年無  
人識者史記魏公子無忌曰秦七攻魏五入圃中  
邊城盡拔劉伯莊曰圃讀圃即圃田澤多產麻黃  
詩所謂東有甫草也西限長城東極官渡東西五  
十里南北二十六里高者可田窪者成滙上承鄭

州管城縣界曹家陂又益西北流為二十四陂今  
在中牟縣西北七里為澤者八若東澤西澤之類

為陂者二十六若大灰小  
灰之類其實一圃田澤耳

鄆城

信三十三年公子瑕葬鄆城之下杜注鄆在滎  
陽密縣東北臣謹按鄭取鄆不居其都故別

有鄆城今在密縣東北五十里  
或曰在新鄭縣東北三十五里

匡

文元年衛孔達侵鄭取綿訾及匡杜注匡在潁川  
新及縣東北臣謹按文八年晉侯使解揚致匡

戚之田于衛杜注匡本衛地中屬鄭定六年公  
侵鄭取匡此鄭國之匡也在今洧川縣東北

垂隴

文二年盟于垂隴杜注鄭地今滎陽縣東北有  
隴城臣謹按公毅作垂斂又襄二十年鄭伯

享趙孟于垂隴後漢志滎陽有隴城京相璠曰在  
滎陽東二十里世謂之都尉城曹魏典農都尉治



此故名

暴

文八年盟于暴杜注鄭地  
氏曰文十五年楚子侵鄭及暴隧即此  
詳見周地吳

申

文八年晉致衛公墉池之封自申及虎牢之境  
杜注申鄭地吳氏曰申在鄭州汜水縣北

狼淵

文九年楚子師于狼淵以伐鄭杜注潁川潁陰  
縣西有狼陂臣謹按水經注青陵陂水東入

臨潁縣之狼陂即此也寔字  
記謂之狼溝潁陰今許州治

棐

文十三年鄭伯會公于棐杜注鄭地  
元年諸侯會晉師于棐林杜注鄭地滎陽苑陵縣

東南有林鄉吳氏曰棐即棐林也又襄三十年衛  
襄公如楚過鄭鄭伯有迎勞于棐林戰國策蘇代

曰兵困于林中即此史記信陵君曰自林鄉軍以  
至于今秦七攻魏徐廣曰林鄉在苑此誤以苑陵

為宛也後漢志菟陵有裴林章懷即引  
杜注今新鄭縣東二十五里有林鄉城

儵

賦文十七年鄭子家曰悉索敝  
以待于儵杜注晉鄭之竟

北林

宣元年諸侯伐鄭楚蒍賈救之遇于北林杜注  
滎陽中牟縣西南有林亭在鄭北臣謹按後

漢志中牟有北林水經注林亭南去新鄭故  
城四十許里今開封中牟縣西南有林亭

延

宣三年晉侯伐鄭及郟杜注鄭地又宣十二年楚  
子北師次于郟杜注鄭北地或云鄭州之南或

云即廩延也  
未知孰是

南里

宣三年誘子華而殺之南里杜注鄭地襄二  
十六年楚子伐鄭入于南里哀二十七年知伯

代鄭入  
南里

柳楚

宣九年鄭伯敗楚師于柳楚杜注鄭地

潁北

宣十年遂楚師于潁北杜注潁水出河南陽城至下蔡入淮成十五年諸侯師于潁上臣

謹按潁水出陽城縣少室山東南過陽翟縣北又東南過潁陽潁陰又東南過臨潁又過汝南之潁

疆洧水注之又過西華汝陽南頓又東南至新陽

上縣也慎縣入淮句俗本錯簡在潁陰下此據宋刻古本訂正潁北潁上當在陽翟潁陰之間又襄

十年晉帥諸侯伐鄭楚救鄭晉師進與楚夾潁而軍鄭人宵涉潁與楚盟亦陽翟之潁也

必宣十二年晉楚戰于邲杜注鄭地臣謹按水經云濟水東逕教山山上有陂殷仲丁之所遷也世

紀云仲丁自亳徙囂于河上或曰教是矣濟水于此又兼名邲即晉楚戰處京相璠曰在教北是也

又原武縣西北大河即晉師敗而濟河楚莊王祀河告成處杜佑曰管城縣有故邲城在南今鄭州

東六里有邲城

### 管

宣十二年晉師救鄭楚子次于管以待之晉師在

教邲之間杜注滎陽京縣東北有管城

臣謹按

是即管叔鮮所封之管國也管除屬檜檜滅屬鄭鄭滅屬韓戰國策秦攻韓之管韓非子魏安釐攻

韓拔管使縮高守管信陵君攻之不下漢為中牟縣地晉因之隆安二年鄧啟方等將兵擊慕容德

于管城敗還隋開皇十六年始置管城縣又置管州治焉唐武德四年亦置管州貞觀元年州廢

縣屬鄭州七年移鄭州治此宋因之明初省縣入州今仍之

### 教

見上杜注教邲二山在滎陽縣西北臣謹按教山在今開封河陰縣西二十里晉為滎陽縣地唐

開元二十年始折置河陰縣故杜預云然周宣王狩于教詩稱叔段搏獸于教皆在此秦于其地臨河置倉名曰教倉二世二年陳勝使田臧自滎陽西迎秦軍于教倉敗死漢二年漢王軍滎陽築甬道屬之河以取教倉粟酈生說漢高據教倉之粟是也括地志教倉在滎陽縣西北十五里石門之東北臨汴水南帶三皇山

郟

見上未詳

滎澤

宣十二年楚潘黨逐之及滎澤臣謹按禹貢濟水入于河溢為滎又曰滎波既豬晉地道志

曰濟自大伾入河與河水關南洑為滎澤孔安國書傳濟水入河並流十數里而南截河又並流數里溢為滎澤在教倉東南自王莽時濟水但入河不復過河滎澤已枯漢顯宗東巡至于滎澤是矣

鄭玄曰自平帝以後滎澤塞為平地滎陽人猶謂其地曰滎隋開皇四年于其地置廣武縣仁壽初改為滎澤縣屬鄭州唐因之宋熙寧中省入管城元祐中復置元屬汴梁路明屬鄭州今仍之古滎澤在縣治南閔二年衛侯及狄人戰于滎澤杜注戰處當在河北非此滎澤也

伯牛

成三年諸侯伐鄭次于伯牛鄭公子偃使東鄙覆諸鄭敗諸丘與杜注皆鄭地

鄆

見上臣謹按路史商武丁封季父於河北曼曰曼侯優鄆其出也春秋鄭邑曼伯國為曼姓王符姓

氏志  
作曼

丘輿

見上  
未詳

汜祭

成四年晉伐鄭取汜祭杜注鄭地臣謹按吳氏曰此為二邑汜即成臯之汜祭即中牟之祭

亭周祭伯之邑也蓋此時已并于鄭矣或言祭失邑後別受采于訾一云祭以名不祥改為訾未知

是孰

蟲牢

成五年同盟于蟲牢杜注鄭地陳留封丘縣北有桐牢臣謹按襄八年楚侵鄭至于蟲牢定

八年晉士鞅會成桓公侵鄭圍蟲牢續漢記封丘有桐牢亭韋昭云古蟲牢地也與范史合寰宇記

桐牢亭在縣北二里俗謂之桐渦在黑山下黑山去縣北三里今開封封丘縣北二里有桐牢亭

繞角

成六年晉欒書救鄭與楚師遇于繞角杜注鄭地杜佑通典汝州魯山縣東南有繞角城今

同

脩澤

成十年鄭子然盟于脩澤杜注滎陽卷縣東有脩武亭後漢志卷縣下載之今在開封原武

北縣

訾

成十三年鄭公子班自訾求入于大宮  
杜注鄭地 臣謹按此即周之訾也

暴隧

見

鳴鴈

成十六年晉侯伐鄭至于鳴鴈杜注在陳留雍  
丘縣西北 後漢志雍丘有鳴鴈亭在今杞縣

北四十里俗  
謂之白鴈亭

鄆陵

見

督揚

成十六年伐鄭我師次于督揚杜注鄭東地  
臣謹按襄十九年諸侯自沂上盟于督揚杜以

督揚即祝阿此齊之  
督揚非此督揚也



制田

諸侯遷于制田杜注滎陽苑陵縣東有制澤後漢志苑陵有制澤今新鄭縣東北有制城

高氏

成十七年衛北宮括救晉次于高氏杜注在陽翟縣西南後漢陽翟有高氏亭陽翟今禹州

戲童

成十七年諸侯伐鄭自戲童至于曲洧臣謹按襄九年諸侯盟于戲即此也山海經有浮戲

之山路史武王克商命呂佗伐越戲方注戲方紂畿內國今鄭州汜水縣南四十里有浮戲之山水

經注曰汜水出于浮戲之山又竹川水出焉又綏水出方山亦即浮戲之山

曲洧

見上杜注今新汲縣治曲洧城臨洧水臣謹按漢宣帝神爵三年以許縣之汲鄉置新汲縣

治曲洧城章懷太子曰新汲縣在扶溝縣西屬潁川以河內有汲故稱新汲也章帝封馬防為侯晉

仍屬潁川郡後魏因之東魏改屬許昌郡北齊廢唐初復置屬洧川貞觀初廢宋為宋樓鎮金置洧

川縣今仍之古  
新汲城在縣南

柯陵

成十七年同盟于  
柯陵杜注鄭西地

汝上

成十七年楚師于汝上  
汝水出汝州魯山縣  
東北經伊陽至汝州南又東南經寶邾南入南

陽之裕州歷開封之襄城郟城南入汝寧西平境  
又東南流至潁川南而至于淮成十六年楚以汝

陰之田求成于鄭國語齊桓公伐楚濟汝踰  
方城荀子曰楚汝潁以為險蓋鄭楚之界也

鄆

襄元年諸侯之師次于鄆杜注鄭地在陳留襄邑  
縣東南臣謹按滎陽有鄆城鄆水水經注鄆水

出鄆城西北鷄絡塢下入洧乃溱也  
非襄邑之鄆此鄆在今睢州東南

洧上

襄元年晉伐鄭敗其徒兵于洧上杜注洧水出  
密縣東南至長平入潁臣謹按洧水出密縣

馬嶺山又東過新鄭縣南鄆水西北來會之即晉  
敗鄭徒兵處又昭十九年龍鬪于時門之外洧淵  
亦在此也洧水又東與黃水合過長社縣又過新  
汲茅城又東過習陽城西折入于潁晉長平在今

西華縣

城棣

襄五年楚伐陳諸侯會于城棣以救之杜注陳  
留酸棣縣西南有棣城臣謹按路史曰棣伯

爵也為棣氏王莽大司空棣並其後也寔宇記有  
南棣城北棣城在陽武北十里戰國魏襄王十年  
河溢酸棣漢世塞之其決口故瀆流出南  
北二棣城間有博浪沙亭子房擊始皇處

為鄆

襄七年會于鄆穀  
梁作臨杜注鄭地

鄆

襄七年鄭伯卒于鄆公穀作操杜注鄭  
地路史曰會盟圖曰鄆侯國在慈州

戲見戲童

鄭門見渠門

師之梁見渠門

陰阪襄九年諸侯濟于陰阪次于陰口而還杜注陰坂洧津陰口鄭地名臣謹按水經注洧水東

逕陰坂北水有梁焉俗謂是濟為參辰口服虔曰水南曰陰參與陰聲相近而轉又晉居參此角之分鄭處大野軍師所次故濟得其名焉其地在今洧川縣西

陰口見上

中分襄九年同盟于中分杜注鄭中里名

梧

襄十年晉師城梧及制杜注皆鄭舊地臣謹按隋書滎陽縣有梧桐澗疑即梧也制即北制見前

陽陵

襄十年諸侯伐鄭至于陽陵杜注鄭地吳氏曰鄭國南地今在許州西北

舊許

襄十一年諸侯伐鄭晉荀瑩至于西郊東侵舊許諸侯會于北林師于向次于瑣圍鄭觀兵于

南門西濟于濟隧杜註舊許之舊國鄭新邑

臣謹按大紀曰武王封四岳姜姓文叔封于許隱

十一年公及齊鄭入許杜注地在潁川許昌縣即

今許州也咸十五年許靈公遷于葉為今南陽葉

縣其許昌舊地則為鄭人所有仍謂之舊許也昭

十二年楚靈王曰昔我皇祖伯父昆吾舊許是宅

今鄭人貪賴其田而不我與此即鄭取許地之說

也杜注陸終氏生六子長曰昆吾少曰季連季連

楚之祖故以昆吾為皇祖伯父昆吾嘗居許地故

曰舊許是宅也國語曰己姓昆吾則夏滅之韋昭

曰夏衰昆吾為夏伯遷于舊許竹書帝癸元年昆吾氏出居許十八年昆吾伐商三十一年商師自

陟征夏邑克昆吾國語謂昆吾滅于夏而竹書謂滅于商與商頌韋顧既伐昆吾夏桀之說同侯考

### 向

見上杜注地在潁川長社縣東北臣謹按襄十四年會吳于向杜注鄭地即此也水經注康溝水

首受洧水于長社縣東又東北經向岡西即鄭之向鄉也又東為染澤陂又東至尉氏今開封尉氏

縣西南四十里有向城

### 瑣

見上杜注滎陽苑陵縣西有瑣侯亭臣謹按路史瑣鄭也一云瑣澤水經注黃水又東南逕龍淵

泉南七里溝水注之出隰侯亭東南平地即此今其地在新鄭北

### 濟隧

見上杜注水名臣謹按水經注濟水伏流自河而出陰溝上源濟隧絕焉世謂之十字溝京

相璠曰榮澤在榮陽東南與濟隧合

亳城

襄十一年同盟于亳城北公穀作京杜注鄭地臣謹按此亳宜在偃師縣見景亳

蕭魚

襄十一年會于蕭魚杜注鄭地史記秦嬴姓其分封有修魚氏路史少昊後嬴姓國修魚即

蕭魚鄭地

魚陵

襄十八年楚師伐鄭次于魚陵右師城上棘遂涉潁次于旃然蒍子馮帥銳師侵費滑胥靡獻

于雍梁右回梅山侵鄭東北至于蟲牢而反于庚門于純門信于城下涉于魚齒之下杜注魚陵魚

齒山也在南陽犍縣北鄭地魚齒下有洧水故言涉臣謹按水經注湛水源于魚齒山今在汝州

東南五十里後漢書襄城有魚齒山誤

上棘

見上杜注將涉潁故于水邊權築小城以為進退之備臣謹按水經注潁水又逕上棘城西

又屈逕其城南縣西有故堰堰石崩褫潁基尚存舊潁水枝流所出也郡縣志陽翟有上棘城今

在禹州南

旃然

見上旃然水出滎陽成臯縣東入汴臣謹按旃然水即索水也水經注索水出京縣西南

嵩渚山與東關水同源分流即古旃然水也開元傳信記明皇封泰山進次滎陽旃然河上見黑龍

命弧矢射之矢發龍潛自爾旃然伏流不見後唐同光二年詔蔡州刺史米勅濬索水通漕宋人每

濬京索二水以為金水河之源即此水也今在滎陽縣南三十五里北流入京水嵩渚山在縣東南

二十里



胥靡

見上杜注胥靡獻于雍梁皆鄭邑河南陽翟縣東北有雍城臣謹按書傳云通道所經有間

道馬使胥靡刑人築之宜即顛軫阪也或曰傳說隱處詳見周地再按三十年伯有奔雍梁後漢

志陽翟有雍氏城即雍梁也史記齊湣王十一年改魏圍雍氏今禹州東北有雍氏城

獻于

見上

雍梁

見上

梅山

見上杜注在滎陽密縣東北臣謹按後漢志密有梅山水經注鄭水一名不家水源出梅山

注曰不家溝水出京縣東南梅山東北流經管城西俗謂之管水又東北分為二水一水東北流注

入黃雀溝今謂之黃池路史云梅伯爵紂所滅焦南四十里有梅城河南密縣有梅山又曰武王封

伯元孫于黃梅居楚鄭間子孫以梅為氏今鄭州西南三十里有梅山

棘澤

襄二十四年次于棘澤社縣又東南逕棘城北即傳之棘澤也又東左

注

宛

鄭人卜宛射犬吉水經注淇水自長社故城南逕皇臺又東南逕宛亭即鄭大夫宛射犬之食邑

城廩

襄二十六年楚侵鄭至于城廩杜注鄭邑

樂氏

襄二十六年楚師伐鄭涉于樂氏杜注津名

黃崖

襄二十八年公如楚伯有勞于黃崖杜注滎陽苑陵縣西有黃水西南至新鄭城西入洧臣

謹按水經注黃水出太山南黃泉流經華城西又東南與上水合即春秋所謂黃崖也故杜預云苑

陵縣西有黃水也又東南捕章水注之又南至鄭  
城北與黃溝合今新鄭縣東南二十里有黃水

墓門

見渠門

斗城

襄三十年子產葬伯有于斗城杜注鄭地  
今陳留縣南三十五里有斗城即伯有葬處

酸棗

見廩延

閨門

見渠門

薰隧

見渠門

犍邾

昭元年楚城犍標邾鄭人懼杜注犍縣屬南陽  
邾縣屬襄城標今河南陽翟縣三邑本鄭地

臣謹按犍此時已入楚史記沛公與秦南陽守莊  
戲戰于犍東即此漢置犍縣屬南陽郡晉仍之後

魏改翼城屬襄城郡西魏為雒陽縣後周又置武  
山郡于此隋改洪水縣屬伊川尋復故唐初廢

再按邾亦歸楚是年殺太宰伯州犂于邾葬楚子  
麋于邾謂之邾敖昭十九年令尹子瑕城邾二世

元年陳勝將鄧龍居邾章邯破之漢置邾縣屬潁  
川郡晉因之屬襄城郡後魏改龍山縣東魏為順

陽郡治隋改汝南縣屬伊州尋改為邾城縣唐屬  
汝州宋屬許州金還屬汝州元初省後復置邾縣

明因之今如  
故邾見前

### 釣臺

見

### 菟氏

昭五年鄭伯勞屈生于菟氏杜注鄭地臣謹  
按水經注陳留有八里溝水自牛首鄉又南得

野菟水口水上承野兔陂東北入八里溝溝水又  
南經菟氏亭又南入沙水宸宇記曰菟氏城在開

封府尉氏縣西北四十里尉氏鄭大夫  
食邑故獄官也後屬魏秦置尉氏縣

索氏

昭五年鄭勞韓宣子于索氏杜注河南成臯縣  
東有大索城臣謹按今滎陽東北三十里有

京城大索城在京城西二十里其東北四里為小  
索城此即杜氏所云也然古無二索之名惟漢楚

戰於京索間水經注云東晉滎陽民張卓邁等保  
此名大柵塢太平真君中潁州刺史崔白自虎牢

移州治此後還治滎陽城遂廢宋元嘉二十九年  
魯爽破拓跋僕蘭于大索進攻虎牢大索之名蓋

始此矣京相璠曰京縣有大索小索亭昔索氏兄  
弟居此故有大小之稱未知何據要之二索之名

亦因于索水耳山海經曰少陘之山器難之水出  
焉器難水即索水也少陘山即嵩渚山在滎陽東

南二十五里城因以名于理為近矣或謂大  
索城即今滎陽縣城小索在縣北存之俟考

圉

昭五年晉韓起自楚至鄭鄭伯勞諸圉杜注鄭地臣謹按陳留風俗傳曰圉故陳地鄭取之苦楚

之難修干戈以虞患故曰圉戰國策楚人說頃襄王還射圉之東解魏左肘漢高使樊噲下圉置圉

縣屬淮陽國後漢屬陳留郡晉屬陳留國後魏曰圉城縣屬陽夏郡北齊廢隋復置屬宋州唐初屬

杞州貞觀六年廢五代周顯德三年征淮南駐師于圉城鎮即此今在杞縣南五十里

祖

昭六年鄭伯勞楚公子弃疾于祖杜注鄭地臣謹按襄十一年會吳于祖杜注楚地蓋有二祖也

桑山

昭十六年鄭大早有事于桑山

時門洧淵

見前渠門洧上

萑苻之澤

昭二十年鄭多盜取人于萑苻之澤杜注澤名臣謹按即中牟澤也

臯馳

定四年盟于臯馳公羊作浩油鄭氏曰鄭地城臯也杜注繁昌縣東南有城臯亭臣謹按水

經潁水自繁昌縣東南經臨潁縣又東南經澤城北即古城臯亭也杜氏所謂即此矣繁昌縣古為

繁陽亭漢獻帝延康元年曹丕南巡至潁陰縣築壇于曲蠡之繁陽亭受禪後改為繁昌縣晉屬襄

城郡貞觀初省入臨潁今魏受終臺在許州臨潁縣西北三十里是其地也又宋白曰隋移臨潁縣

治臨潁臯郡國志臨潁臯長五十里名曰龍牌岡是即所謂城臯與後漢志劉昭注誤以成臯亭系

于襄城下謬甚

彌作六邑

哀十二年宋鄭之間有隙地焉曰彌作頃丘玉暢岳戈錫杜注凡六邑臣謹按杞

縣東北三十三里有玉帳或云即玉暢也戈夏國即殪所封杜云戈在宋鄭之間故知即是邑矣路

史曰商末錫疇子斯其先御姓國在宋鄭  
之間鄭滅之以處宋元公之孫即錫邑也

春秋地名攷畧卷六



欽定四庫全書

春秋地名攷畧卷七

詹事府詹事高士奇撰

衛

國於朝歌

史記衛康叔名封周武王同母少弟周公旦以成王命興師伐殷殺武庚管叔放蔡

叔以武庚餘民封康叔為衛君居河淇間漢書地理志曰河內本殷之舊都周既滅殷分其畿內為

三國詩風邶庸衛國是也邶以封紂子武庚庸管叔尹之衛蔡叔尹之以監殷民謂之三監故書序

曰武王崩三監畔周公誅之盡以其地封弟康叔號曰孟侯以夾輔周室遷邶庸之民于洛邑故邶

庸衛三國之詩相與同風邶詩曰在浚之下庸曰  
在浚之郊邶又曰亦流於淇河水洋洋庸曰送我  
淇上在彼中河衛曰瞻彼淇澳河水洋洋故吳公  
子札聘魯觀周樂聞邶庸衛之歌曰美哉淵乎吾  
聞康叔之德如是其衛風乎此衛國始封之說  
也其地則為朝歌朝歌者武乙所都紂因之亦曰  
沫邑康誥所謂明大命于妹邦者也水經注曰武  
丁始居之禹貢紂都大陸之野晉灼曰史記樂書  
紂為朝歌之音鄒陽曰邑號朝歌墨子迴車即此  
宋均曰城內有鹿臺紂投火自焚處竹書紀年武  
王親禽帝受于南單之臺南單之臺即鹿臺也水  
經注又云有美溝出朝歌城北大嶺下逕駱駝谷  
有九十曲又逕朝歌城北又東南注馬溝水而入  
于淇即詩所謂肥泉又即所謂泉源在左也博物  
志謂之澳水班固曰自文公徙楚丘河內殷虛更  
屬于晉襄二十三年齊伐晉取朝歌定十三年晉

荀寅士吉射入于朝歌以叛十四年晉人圍朝歌  
又小王桃甲入于朝歌戰國屬魏秦始皇六年伐  
魏取朝歌晉人亦謂朝歌曰舊衛或謂朝歌以北曰衛貢  
公三十八年淇絕于舊衛或謂朝歌以北曰衛貢  
趙鞅謂邯鄲午曰歸我衛貢五百家是也漢置朝  
歌縣屬河內郡晉屬汲郡隋為衛州治始改朝歌  
為衛縣唐貞觀初徙州治于汲縣仍屬宋屬安  
利軍金屬濟州元廢其地在今直隸大名府濟縣  
西五十里然杜佑又曰衛縣西二十五里有古朝  
歌城劉昫曰紂所都朝歌在縣西是則朝歌與衛  
縣復非一地今河南衛輝府淇縣東北有朝歌城  
張洽集傳以為在淇縣北關西社是也但據漢置  
朝歌縣原在衛都不知徙于何年存之俟考  
鮑曰分康叔以大路少帛績棧旃旌大呂殷民七  
族陶氏施氏繁氏錡氏樊氏饑氏終葵氏封畛土畧  
自武父以南及圃田之北竟取于有閭之土以共王

春秋地名攷畧

職取于相土之東都以會王之東蒐明季授土陶叔授民命以康誥而封于殷虛此衛之疆域也杜註武父衛北界圃田鄭藪澤有閭衛所受朝宿邑蓋近京畿相土東都為湯沐邑王東巡守以助祭泰山今按圃田藪在中年縣竟有閭之土即閭沒所爭者見周地相土東都或以為即相州因河亶甲居相為名非也相土為契後六世之君遷于商丘者其東都不知所在孔穎達疏曰言共王職猶魯之許田蓋近泰山也斯言諒矣師古曰自紂城而北祊田蓋近泰山也謂之邶南謂之庸東謂之衛朱子詩註云邶鄘衛三國在禹貢冀州西阻太行北逾衛漳東南跨河以及兗州桑土之野今懷衛澶相滑濮等州開封大名府界皆衛境也合是數者可以知衛之疆域矣邶城今在衛輝府東北鄘城在今新鄉縣西殷虛師古亦謂即朝歌或以為在相州城北其說曰

汲冢古文盤庚自奄遷北冢曰殷墟都城記曰安陽城一名殷中即北冢也相州圖經安陽紂都也戰國策紂聚衆百萬左飲淇水竭右飲洹水不流邑正在二水間相州為今彰德府據此則康叔未嘗仍紂之都然酈氏所述川渠之迹甚明當以淇縣為是

### 遷於楚丘

左傳閔公二年狄伐衛衛懿公與狄人戰于熒澤衛師敗績遂滅衛衛之遺民男女

七百三十人益之以共滕之民為五千人立戴公以廬于曹齊侯使公子無虧帥車三百乘甲士三千人以廬于曹齊侯使公子無虧帥車三百乘甲士三千人以成曹杜註曹衛下邑僖公二年封衛于楚丘國語翟人侵衛衛人出廬于曹桓公城楚丘而封之公羊城楚丘傳曰孰城城衛也曷為不言城衛滅也孰城之桓公城之子夏詩序定之方中美衛文公也衛為狄所滅東徙渡河野處曹邑齊桓公攘戎狄而封之文公徙居楚丘營立宮室詩人

美之史記曰齊桓以衛數亂乃率諸侯伐翟為衛  
築楚丘立戴公弟燬為衛君凡此皆衛遷楚丘之  
由也其地則諸家為說不同據班固地理志山陽  
郡成武縣有楚丘亭齊桓公所城遷衛文公于此  
杜預似不取其說于隱七年戎伐凡伯于楚丘以  
歸則註云在濟陰成武縣西南于僖二年城楚丘  
傳但註云衛地于僖十年諸侯城衛楚丘之郭但  
註云衛國都有似乎存疑而不敢決者穀梁傳兩  
皆言衛邑而不指其處蓋實有兩楚丘而後世混  
之也桓公所城之楚丘在漕邑于漢為白馬縣鄭  
氏詩箋水經註言之甚明載馳篇云載馳驅歸  
唁衛侯驅馬悠悠言至于漕毛傳云漕衛東邑鄭  
箋夫人願御者驅馬悠悠乎我欲至于漕定之方  
中篇云升彼虛矣以望楚矣望楚與堂景山與京  
毛傳云虛漕虛也楚丘有堂邑景山大山京高也  
鄭箋云自河以東夾于濟水文公將徙登漕之虛

以望楚丘之旁邑及其丘山審其高下所依乃建國焉慎之至也然則楚丘與漕本為一地而在衛東明矣又毖之篇曰我思肥泉又曰思須與漕擊鼓之篇曰土國城漕我獨南行皆言漕與衛故都近而水經註曰白馬濟有白馬城衛文公東徙渡河都之考漢白馬縣在朝歌東與詩箋相合也水經註又曰濮渠首受北濟東逕燕城酸棗又東逕蒲城北又東逕韋城南即白馬縣之韋鄉也鄭云夾于濟水是也孔穎達則云濟自河北而南入于河又出而東楚丘在于其間西有河東有濟故曰夾于濟水如此解亦可若成武之楚丘則在濟外不夾于河濟矣是說也至隋而始明開皇十六年同時置兩楚丘縣一在漢巴氏縣以戎伐凡伯之楚丘為名巴氏春秋時為戎州漢置縣屬梁國東漢屬濟陰郡晉屬濟陽魏還舊屬隋改置楚丘唐宗元皆因之明初始省在晉時濟陰之城武居東

濟陽之已氏居西兩相鄰並成武之西南即已氏之東南楚丘亭漢晉屬成武而隋時或割隸于已氏故取以為名馬今在曹縣東南四十里此楚丘之在南者也一在漢白馬縣即水經註所云者尋改名衛南杜佑通典白馬春秋衛國漕邑衛南衛國楚丘也元和郡縣志隋置楚丘縣後以曹縣有楚丘改名舊唐書衛南隋楚丘縣後改名治楚丘城朱子詩經集註漕楚丘皆在滑州無異說矣隋衛南屬滑州唐宋因之金始省今其故城在滑縣東六十里此楚丘之在北者也由是言之兩楚丘一南一北必不可混要之當時遺民渡河野處其去國都故不當遠但知漕邑楚丘非二地則異解自息班固地理總序原云桓公封之河南曹楚丘而成武下小註則有此誤筆亦千慮之一失也至于唐宋以來之曹縣即漢城武乃古之曹國與衛漕邑自別亦足相混特顯別之又水經注河水



分濟于定陶東合黃水北逕景山東又北逕楚丘  
西郡國志曰城武縣有楚丘亭即詩所謂望楚與  
堂景山與京也又東北逕成武西張浴集傳因其  
說遂混戎伐凡伯之楚丘與封衛之楚丘為一且  
引輿地志景山在曹縣東四十里廢楚丘城北夫  
毛公特言景山大山也原非山名乃傅會為此言  
繆甚若酈元能言白馬濟為文公徙都處矣猶復  
首鼠兩端並載牴牾之說亦足嗤也鄭樵通志  
曰漕邶地也楚丘鄘地也路史亦曰鄘即楚丘全  
無依據自不可用熊過又謂楚丘為魯地其言城  
楚丘猶夫城向城郎耳因力辨桓公無封衛之事  
且引偽子貢詩傳謂定之方中為魯詩斯又離經  
畔道之甚者或者篤信楚丘在滑因為王臣使  
魯不應過衛濟陰地非衛所得有引襄十年宋公  
享晉侯于楚丘奏桑林之舞為徵謂楚丘宜屬宋  
斯又不然衛地在曹濮間如清如桃丘甚多齊衛

分境以濟為界又衛地有垂正在曹縣安在曹縣  
之楚丘不可為衛地乎春秋時列國錯壤甚多而  
曹濮間為尤甚襄二十七年齊烏餘以廩丘奔晉  
襲衛羊角又襲我高魚又取地于宗廩丘與今鄆  
城相接亦曹縣之鄰壤也以一邑而五國之疆輻  
輳焉用是知犬牙盤互加以攻取紛紜不可憑咫  
尺之圖臆為分畫矣當晉侯返于祖之會而宋享  
之于境上春秋凡行享禮如夫人姜氏享齊侯于  
祝丘鄭七子享趙孟于號皆在本境楚丘屬宋容  
或有之豈以北遷帝丘隔遠南鄙由是地緼于宋  
耶

又遷於帝丘

僖三十一年狄圍衛衛遷于帝丘杜註  
今東郡濮陽縣故帝顓頊之虛故曰帝

丘臣謹按梓慎曰衛顓頊之墟也夏為昆吾氏  
所居國語曰昆吾為夏伯今開州東二十里有顓

項城一曰東郭城城里昆吾臺是也又左傳衛成公夢康叔曰相奪予享公命祀相即知夏后相亦嘗居此城東南有浚城又有寒泉詩云爰有寒泉在浚之下其後又曰濮陽以地在濮水北也戰國時衛微弱僅存其國都秦始皇六年拔衛濮陽衛元君徙居野王七年秦置濮陽縣東郡治焉史記章邯與項羽戰軍濮陽東環水自固漢仍曰濮陽縣屬東郡晉為濮陽國治魏改國為郡隋屬滑州唐屬濮州石晉澶州宋熙寧四年河決澶淵因改置澶州移濮陽縣于南郭為州治金皇統四年改開州今仍之王氏曰舊濮陽城在州治西南三十里城邑考州城宋熙寧中築前方後圓號卧虎城處再按杜預但言帝丘為顓頊之墟不言顓頊葬處或言即帝丘為葬處非也帝王世紀言顓頊帝嚳皆葬東郡頓丘廣陽里皇覽曰顓頊冢在東郡濮陽頓丘城外廣陽里中帝嚳冢在東郡濮陽

頓丘城南臺陰里中山海經漢水出于鮒鯢之山  
顓頊葬于陽九嬪葬于陰四蛇衛之又曰大荒之  
中河水之間附禺之山帝顓頊與九嬪葬焉又曰  
帝嚳葬于秋山之陰後漢志引白虎通曰帝嚳冢  
在頓丘臺陰野是也漢頓丘縣地已迷不可考惟  
水經註曰淇水逕朝歌縣北屈而西轉逕頓丘北  
爾雅曰一成謂之頓丘詩所謂送子涉淇至于頓  
丘是也魏徙九原西河諸胡置五軍于丘側亦謂  
之五軍又南歷枋頭堰舊淇水于此逕黎陽入河  
建安九年曹公下大枋木遏其流東入白溝以通  
漕故謂之枋頭又東宛水自臺陰野來合又東北  
流逕雍榆城又東北逕帝嚳冢西又北逕白祠山  
東歷廣陽里逕顓頊冢又北逕頓丘縣故城西是  
則所謂東郡之頓丘因古頓丘而得名者也蓋淇  
水本南流過之以東又折而北先及古丘次至漢  
所置邑以地形度之約當在今濬滑境至後魏大

和中頓丘東徙于漢魏郡陰安地故魏叔志有兩  
頓丘一屬頓丘郡註云太和中併汲郡餘民在畿  
外者景明中置此新置之頓丘也一屬黎陽郡注  
云二漢屬東郡晉屬頓丘郡太和十八年屬汲郡  
後來屬天平中罷此漢時故頓丘也兩縣並設三  
十餘年而漢縣竟廢雖非遷實同乎遷矣隋志頓  
丘縣屬武陽郡註云後齊省開皇六年置又有舊  
陰安縣後齊亦廢陰安即附于頓丘之下知為一  
地矣胡氏曰陰安城一名頓丘古城蓋隋末又嘗  
移頓丘縣治陰安唐初復故舊唐志頓丘漢縣屬  
東郡後移治所于陰安屬魏郡今縣北陰安城是  
也唐杜佑通典頓丘舊縣在今縣北陰安城是皆  
此說矣水經注河水逕昌樂縣故城東又北逕陰安縣  
故城西又東北逕昌樂縣故城東用知魏時頓丘  
乃在黃河故瀆之東與淇東之漢頓丘相去絕遠  
奚容混指也唐于魏頓丘置澶州又析置清豐縣

石晉徙澶州治德勝津并頓丘縣同移為州治而頓丘故地遂入于清豐宋復置又省今清豐縣西

南二十五里有頓丘古城西北二十五里有陰安古城猶然魏隋以來遺跡也乃魏收志于新頓丘

下反贅二語云有顓頊冢帝嚳冢混移舊縣之古蹟而錯入新縣遂為沿謠之祖自此以後踵其繆

者不一而足未暇深責矣幸歷來祀典猶未盡失明一統志顓頊陵在滑縣北七十里又滑縣有顓

頊帝嚳二廟三年一遣官致祭又時有特典告祀至今行之滑縣北接濬境與水經相合然清豐志

亦有二陵又載鮒鮒山秋山則所謂襲魏史之繆者也

**清** 隱四年公及宋公遇于清杜註清衛邑濟北清河縣有清亭 臣謹按後漢志東郡東阿縣有清亭

即左傳遇清處水經注濟水自魚山而北逕清亭東京相璠曰今東阿縣東北四十里有故清亭濟

水通得清之目焉晉東阿屬濟北  
國今山東東阿縣東北有清亭

### 牧

隱五年鄭人侵衛牧杜註衛地  
牧即商之牧野也亦謂之毋野水  
臣謹按一衛地

山西倉谷東南流歷毋野自朝歌以南暨清水土  
地平衍據臯跨澤悉毋野矣郡國志曰朝歌縣南

有牧野竹書紀年曰周武王率西夷諸侯伐殷敗  
之于毋野詩所謂牧野洋洋者也

又東南入于清水司馬彪曰牧野去朝歌十七里  
戰國為汲秦紀莊襄三年蒙驁攻魏汲拔之又始

皇七年驁還兵攻汲是也漢置汲縣晉置汲郡治  
焉東魏置義州後周改衛州杜佑曰汲郡古牧野

地宋白曰衛州舊城隋以前謂之陳城賈耽縣道  
記云武王伐紂于此列陳故名陳俗作陣隋改伍

城為汲縣移于今衛輝府治古  
汲城在郡城西南二十五里

楚丘 前見

垂 隱八年宋公衛侯遇于垂杜註垂衛地濟陰句陽縣東北有垂亭臣謹按左傳云齊侯將平宋衛

故遇于犬丘杜註犬丘垂也地有兩名桓元年三月公會鄭伯于垂四月公及鄭伯盟于越杜註垂

犬丘衛地越近塞地名戰國策無忌說魏王文臺隲垂都楚括地志曰文臺在宛句西北六十五里

史記隱陵君施酒文臺是也後漢志句陽有垂亭句陽城在今曹州曹縣北三十里宛句城在曹州

境再按漢書沛縣有敬丘侯國應劭曰即春秋犬丘明帝改為太丘似誤

越 上見

蒲 桓三年齊侯衛侯胥命于蒲杜註蒲衛地在陳留長垣縣西南臣謹按成九年同盟于蒲即此又



嘗為甯氏之食邑昭十一年申無宇對楚子曰衛  
蒲戚實出獻公杜註蒲甯殖邑戚孫林父邑是也  
家語子路為蒲宰見于孔子子曰蒲其何如子路  
曰邑多壯士又難治也荀子晉人欲伐衛畏子路  
不敢過蒲又家語子路治蒲三年孔子稱之史記  
孔子去陳至蒲會公叔氏以蒲叛止孔子出遂適  
衛靈公問曰蒲可伐乎曰可公曰蒲衛之所以待  
晉楚也正義蒲在衛西故靈公云然考史記諸書  
孔子過蒲適衛時年五十九歲為魯哀公二年甯  
氏已誅矣公叔氏出于獻公繼受蒲者也蓋蒲為  
衛之巖邑矣後屬魏戰國策秦攻魏之蒲又秦始  
皇九年伐魏取垣蒲漢置長垣縣屬陳留郡後漢  
初光武大敗銅馬賊于館陶受降未盡而高湖重  
連諸賊從東南來與銅馬合光武與戰于蒲陽蓋  
即蒲城之南章懷太子以為北平縣西北有蒲陽  
北平為今之完縣與館陶絕遠蓋誤也安帝封元

舅宋復為長垣侯晉屬陳留國隋改匡城屬滑州唐因之括地志蒲城在匡城縣北十五里宋復縣名為長垣屬開封府金屬開州今仍之宋紹定六年春金主珣自黃陵岡向河北行至蒲城東登舟渡河遇風蒙古兵追至南岸後軍皆敗蓋當時大河在今縣北也再按韓子曰魯以仲夏起長溝子路為蒲宰以私粟饋衆孔子使子貢毀其器焉鄆道元辨之曰家語言仲由為蒲宰修溝瀆與之簞食瓢飲夫子令賜止之無魯字身為大夫終死衛難韓子誤也

### 桃丘

桓十年公會衛侯于桃丘弗遇杜註桃丘衛地濟北東阿縣東南有桃城臣謹按漢東阿縣

屬東郡晉屬濟北國其故城在今東阿縣西二十五里今東阿縣安平鎮東十八里有桃城舖旁有一丘高可數仞即桃丘矣其地在縣治西南四十里漢高帝封臣劉襄為桃侯邑于此

莘

桓十六年衛宣公使急子于齊使盜待諸莘將殺之杜註莘衛地陽平縣西北有莘亭臣謹按後

漢志陽平有莘亭水經注漯水逕陽平縣故城東又北絕莘道城之西北有莘亭伋壽繼殞于此京

相璠曰陽平縣北一十里有故莘亭道阨險自衛適齊之道也顧野王輿地志云陽平之莘有衛宣

公二子爭死處漢于其地置陽平縣屬東郡晉屬陽平郡隋改清邑又改莘縣屬武陽郡唐屬魏州

宋屬大名府金因之元屬東昌路今屬東昌府隋又于故莘亭地置莘亭縣尋廢唐武德四年又置

屬博州五年并入莘縣今莘亭故城在縣北

首止

桓十八年齊侯師于首止杜註首止衛地陳留襄邑縣東南有首鄉臣謹按僖五年會王世

子于首止成十五年楚侵衛及首止又十七年諸侯伐鄭楚子重救鄭師于首止皆此也公穀並作

首戴服虔云近鄭之地襄邑漢縣屬陳留郡晉屬陳留國今為睢州州治東南有首鄉後漢志已吾縣有首鄉已吾在今寧陵縣境睢之連壤也再按水經注河水逕平縣故城北南對首陽山春秋所謂首戴也郡國志首陽山在偃師西北每日方升日光先及故曰首戴似誤

鄆

莊十四年會于鄆杜註鄆衛地今東郡鄆城也臣謹按十五年又會于鄆十九年公子結媵陳人之婦于鄆襄十四年衛獻公于鄆出奔齊昭二十年衛公孟彊與齊豹狎奪其司寇與鄆杜註鄆豹邑哀十七年晉伐衛衛人出莊公而與晉平既而衛侯自鄆入皆此也戰國時為齊邑威王八年趙伐齊取鄆宣十八年與魏惠王會于鄆又王建末即墨大夫謂三晉大夫不便秦而在阿鄆之間者也史記趙世家成侯十年攻衛取鄆即此漢置鄆城縣屬濟陰郡鄆讀絹後漢末為兗州治曹操創

業于此曹植初封鄆城侯晉亦為鄆城縣屬濮陽國水經注鄆城在河南岸十八里河上之邑最為峻固晉八王故事東海王越治鄆城城無故自壞七十餘丈越惡之徙治濮陽後魏為濮陽郡治隋廢郡置濮州自唐以後或為郡或為州嘗為治所元仍為濮州明初省鄆城縣入之屬東昌府今鄆城廢縣在州東二十里

### 城濮

莊二十七年公會齊侯于城濮杜註衛地謹按今濮州南七十里有臨濮城或曰僖二十

八年晉文公敗楚師于城濮即此也漢為城陽縣地隋開皇十六年析置臨濮縣大業初省入雷澤縣唐初復置屬濮州宋因之金廢為臨濮鎮或謂之小濮蒙古呼必賚南侵嘗駐兵於小濮即此

### 熒澤

閔二年狄伐衛戰于熒澤杜註此熒澤當在河

北臣謹按此非鄭州之熒澤也竹書紀年衛

及赤狄戰  
于洞澤

共

狄滅衛宋桓公逆文公于河衛之遺民七百有三  
十人益之以共滕之民為五千人杜註共及滕別

邑

臣謹按隱元年叔段出奔共杜註共國今汲

郡共縣漢志共縣故國北山洪水所出孟康曰共

伯入為三公者後漢志同博物記曰有輿水流入

淇生綠竹水草經注清水徑共縣故城即共和之

故國也共伯既歸帝政逍遙于共山之上山在國

北所謂共北山也莊子云共伯得乎共首司馬彪

云厲王之難共伯即乎王位十四年大旱屋焚召

公卜之曰厲王為祟乃立宣王而歸政是也蓋其

地逼近衛都故先為國而後并于衛也戰國策信

陵君曰通韓上黨於共甯又云河內共汲秦滅齊

遷王建于共國人歌之曰松耶柏耶住建共者客

耶後餓而死漢置共縣屬河內郡高帝封功臣旅

罷師為侯邑晉及後魏因之寰宇記高齊嘗徙獲  
嘉縣治共城蓋齊廢共縣也隋復置共城縣屬懷  
州唐嘗置共州尋廢以縣屬殷州改屬衛州宋因  
之金大定中徙衛州治此以避河患旋復改縣曰  
河平又改蘇門貞祐中又置輝州治焉元省  
蘇門入州明改州為縣古共城即縣治也

滕

見上  
無考

曹

見前

鹹

僖十三年會于鹹杜註衛地東郡濮陽縣東南有  
鹹城臣謹按定七年齊侯鄭伯盟于鹹杜註衛

地即此也後漢志濮陽有鹹城或曰古鹹國劉昭  
亦引僖十三年事若文十一年得臣敗狄自為魯

地別  
見

匡

傳十五年諸侯盟于杜丘遂次于匡杜註杜丘地闕匡衛地在陳留長垣縣西南文八年晉侯使

解揚歸匡戚之田于衛杜註匡本衛邑中屬鄭孔達伐不能克今晉令鄭還衛論語子畏于匡史記

孔子自匡至蒲述征記匡城周三里水經注濮水東逕匡城北是也孟康曰春秋會于匡今長垣匡

城是後漢志長垣有匡城又平丘有匡劉昭曰匡人之亭曹公破袁術處也蓋二縣亦相近故並引

之隋于長垣地置垣城縣以此為名詳見蒲城

菟圃

傳十八年狄伐衛圍菟圃衛師于訾婁狄師還

訾婁

見上杜註訾婁衛地臣謹按陳留風俗傳長垣西北有訾婁亭宋周邦彥汴都賦曰星丘訾

樓夾其腴即此寰宇記曰長垣縣西北六十里有訾婁城今滑縣西南六十里有訾樓城蓋地相接



也

南河

僖二十八年晉侯將伐曹假道于衛衛人弗許還自南河濟侵曹伐衛取五鹿杜註曹在衛東

從汲縣南渡出衛南而東五鹿衛地臣謹按水經注河水逕東燕縣故城北有棘津之名春秋晉

假道于衛衛人不許還自南河濟即此也晉伐陸渾亦于此渡宋元嘉年遣輔國將軍蕭斌率寧朔

將軍王玄謨北入宣威將軍桓護之以水軍守石濟即此處也蓋黃河故道自新鄉東流徑衛輝府

汲縣南七里謂之棘津又東二十里為延津乃此津之下流晉東燕即今胙城也

五鹿見上臣謹按僖二十三年傳晉文公過衛出于五鹿乞食于野人野人與之塊杜註五鹿衛

地今衛縣西北有地名五鹿陽平元城縣東亦有五鹿蓋兩注以存疑也晉衛縣為東漢之衛國縣

春秋地名攷畧

春秋地名攷畧

春秋地名攷畧

春秋地名攷畧

晉志屬頓丘郡今其地在東昌觀城縣陽平元城縣即今大名府治也水經注元城縣郭東有五鹿墟故沙鹿有沙亭寰宇記元城東有五鹿此杜氏之後說又水經注曰浮水故瀆絕大河故瀆東逕五鹿之野晉文公受塊于野人處京相璠曰今衛國縣西北三十里有五鹿地此杜氏之前說也元城在帝丘北衛縣在帝丘東據文公不禮于衛而適齊又自侵曹返兵而取衛邑皆不應復至衛北則衛縣之說為優後襄二十五年衛獻公自齊還國齊崔杼止其帑以求五鹿蓋地仍屬衛矣哀九年齊侯衛侯救邯鄲午之子穰于邯鄲圍五鹿則又屬晉十四年齊衛救范氏圍五鹿又國語齊桓公築五鹿中年鄴城以衛諸侯觀其迭屬晉衛且近邯鄲中年鄴城又似乎當在元城也宜其有兩五鹿與近志大名府東四十五里有五鹿城又開州南三十里有五鹿城

歛孟

地 僖二十八年齊侯晉侯盟于歛孟杜註歛孟衛

使高固會晉侯至歛孟高固逃歸即此今開州東南有歛孟聚定十四年太子蒯瞶獻孟于齊疑即

也 歛孟

襄牛

僖二十八年衛侯出居于襄牛杜註衛地 臣謹按襄十年楚鄭伐宋衛侯救宋師于襄牛即

此應劭曰襄邑莽曰襄牛春秋傳曰師于襄牛是也師古曰襄邑宋地本承匡襄陵鄉也宋襄公所

葬故曰襄陵秦始皇以承匡卑濕故徙縣于襄陵應以為襄牛誤也今從杜作衛地戰國時屬魏魏

世家文侯三十五年齊伐我取襄陵齊世家威王使田忌伐魏襄陵救邯鄲也又魏惠王十九年諸

侯圍我襄陵楚懷王六年柱國昭陽將兵攻魏破之于襄陵得八邑秦置襄邑縣漢因之屬陳留郡

更始二年立成丹為襄邑王建武二年封更始子述為侯邑晉仍舊北齊省入雍丘縣隋復置屬宋州唐因之宋為拱州金改睢州元

因之明初以州治襄邑縣省入

鄗

信二十八  
舍杜註鄗丘陵險阻名

有莘之墟

信二十八  
註有莘古國名  
臣謹按即國語所謂莘

墟也括地志陳留縣東五里有莘城即古莘國元和志古莘仲國也在濟陰縣東南三十里夏本紀

蘇納有莘氏之女生禹又伊尹耕于有莘之野即此今曹州曹縣北十八里有莘仲集距陳留東北

三十五里又陳留縣南十五里有空桑城相傳伊尹生此蓋亦因莘城而得名

宛濮

信二十八  
留長垣縣西南有宛亭近濮水  
臣謹按後漢

志劉昭曰長垣西有宛亭水經注濮渠之側有漆城竹書紀年梁惠成王十六年邯鄲伐衛取漆富人盟于苑濮京相璠曰衛地也今在長垣縣北

帝丘

前見

戚

文元年公孫敖會晉侯于戚杜註戚衛邑在頓丘

衛縣西

臣謹按戚世為衛臣孫氏邑會盟要地

也文元年傅晉師圍戚取之獲孫昭子秋晉侯疆戚田故公孫敖會之蓋是時已屬孫氏矣八年晉

歸匡戚之田于衛成七年衛定公惡孫林父林父出奔晉衛侯如晉晉反戚焉林父昭子曾孫文子

也成十四年衛定公卒太子不哀孫文子不敢舍其重器于衛盡寘諸戚十五年諸侯同盟于戚曹

故也襄元年晉以諸侯之師伐鄭侵楚及陳衛侯次于戚以為之援二年諸侯之師會于戚謀鄭故

也遂城虎牢五年晉復會諸侯于戚始適吳十四  
年孫文子如戚孫蒯入公飲之酒使太師歌巧言  
之卒章杜註詩曰彼何人斯居河之麋無拳無勇  
職為亂階戚衛河上邑公欲喻文子居河上而為  
亂于是文子并帑于戚襄二十六年衛甯喜弑其  
君剽孫文子在戚甯喜伐之不克孫林父以戚如  
晉衛人侵戚東鄙孫氏愬于晉晉合諸侯于澶淵  
以討衛疆戚田取衛西鄙懿氏六十以與孫氏昭  
七年衛襄公卒晉使范獻子如衛弔且反戚田哀  
二年趙鞅納衛太子蒯瞶于戚宵迷陽虎曰右河  
而南必至焉杜註是時河北流過元城界戚在河  
外晉軍已渡河故欲出河右而南哀十六年衛世  
子蒯瞶自戚入衛合諸傳觀之戚為瀕河之邑西  
據中國之要樞不獨衛之重地抑亦晉鄭吳楚之  
孔道也水經注曰河水東北過長壽津又東北逕  
戚城西今頓丘衛國縣西戚亭是也衛河上邑漢

高十二年封李必為戚侯邑于此五代史梁貞明五年王瓚與晉將李嗣源戰于戚城敗還龍德初晉將李嗣源伏兵于戚城敗梁將戴思遠晉天福九年契丹入寇圍晉將高行周等于戚城為晉所敗解圍去未幾復攻澶州與行周戰于戚城南不勝而逃即此城也今開州北七里有古戚城亦謂之戚田晉衛縣為今東昌

**清丘** 宣十二年同盟于清丘杜註清丘衛地今在濮陽縣東南 臣謹按今開州東南七十里有清

丘高五丈唐置清丘驛五代唐同光初李紹興敗梁遊兵于清丘驛南即此

**新築** 成二年戰于新築杜註衛地 臣謹按史記趙成侯及魏惠王遇于葛築或云即新築也今大

名府魏縣南二十里 有葛築城

鞠居

成二年齊師次于鞠居杜註衛地臣謹按後漢志引陳留志云封丘有鞠亭古鞠居

桑中

成二年夫子有三軍之懼而又有桑中之喜臣謹按桑中衛邑之小者詩云期我乎桑中是

也漢封趙頃王之子廣為桑中侯地在今衛輝府淇縣

鍼

成六年晉侵宋師于鍼衛人不保伯宗曰衛惟信晉故師在其郊而不設備臣謹按衛成公時鍼

莊子食采于此

馬陵

成七年同盟于馬陵杜註馬陵衛地陽平元城縣東南有地名馬陵臣謹按戰國策梁惠王

二十七年伐韓齊救韓使田忌孫臏直走魏都魏將龐涓倍道并行逐之孫子度其行暮當至馬陵馬陵道狹而旁多阻隘乃使萬弩夾道而伏涓至射殺之即此處考魏世家此時魏尚都安邑故齊



入魏境由此也後漢志魏郡元城縣有馬陵隋開  
皇六年析元城縣地置馬陵縣大業初省宋人河  
北漕運往往于黎陽或馬陵道口裝卸蓋津要之  
地矣今大名府治東南十五里有馬陵道又有馬  
陵城即隋置縣處也再按後漢志河東平陽國  
亦載盟馬陵事又云衛地也一事兩注此劉昭之  
繆春秋會盟之地嘗在中州河濟四達之衝不應  
深入河山奧阻之內衛地亦不得至平陽矣又近  
志和順縣有孫贖坡西接遼州之馬陵關相傳為  
龐涓死處非齊師入安邑之徑亦誤也正義引虞  
喜志林云濮州郵城縣東北有馬陵澗谷深阻可  
以伏兵當為龐涓敗處反以徐廣馬陵在元城之  
說為非按此時齊師入魏地已三日龐涓反赴魏  
知孫贖已西又行三日不應猶在濮州二說皆不  
可用

洹水

咸十七年聲伯夢涉洹杜註洹水出汲郡林慮縣東北至魏郡長樂縣入清水臣謹按洹水

出今林慮西北林慮山中東流經府境又經臨漳縣西南達廣平府成安縣界至內黃縣界永和鎮

而入于衛河蘇秦說趙肅侯今天下將相會于洹水之上曹操攻鄴進軍至洹水又爾朱兆等攻高

歡于鄴夾洹水而軍馬燧討田悅亦夾洹水而戰一名安陽河唐乾元二年九節度之師與史思明

戰于安陽河北潰還石晉開運二年契丹入寇相州境晉軍陣于安陽水南是也胡氏曰洹水經安

陽縣而東流謂之安陽河今在彰德府北四里

丘宮

襄十四年公使子蟠子伯子皮與孫子盟于丘宮杜註丘宮近戚地

阿澤

襄十四年孫氏追敗公徒于阿澤杜註濟北東阿澤西南有大澤臣謹按水經注河水于范

縣東北流為倉亭津歷柯澤逕東阿縣故城西有七級渡今運河所經縣東北六十里有七級上下

二閘或以為古阿澤是其處今地在陽穀縣東與東阿接界東阿本春秋時柯邑此獨名阿澤即漢

人所本也

柯襄十九年叔孫會晉士匄于柯杜註魏郡內黃縣東北有柯城臣謹按後漢志內黃有柯城今陽

穀縣東北有柯城蓋地相接也

澶淵襄二十年盟于澶淵杜註澶淵在頓丘縣南今名繁汙此衛地又近戚田臣謹按襄二十六

年會于澶淵傳曰疆戚田也又三十年會于澶淵宋災故皆此也水經注浮水故瀆上承大河于頓

丘縣而北出東逕繁陽故城南春秋盟于澶淵杜註曰在頓丘縣南今名繁淵澶淵即繁淵也亦謂

浮水杜本曰繁汙而酈引之則曰繁淵知二名本  
一矣漢地理志魏郡有繁陽縣應劭曰在繁水之  
陽張晏曰其界為繁淵繁陽故城在今內黃縣東  
北二十七里而清豐縣西南二十五里有廢頓丘  
在內黃之東乃元魏太和中所置之頓丘非古頓  
丘也古頓丘約畧在濬縣之境內黃之西故繁水  
先經頓丘而後及繁陽也漢元光三年河水從頓  
丘東南流既而決瓠子瓠子故跡在今開州西南  
二十五里又水經注宿胥故瀆受河于頓丘縣遮  
害亭東黎山西北會淇水遮害亭即賈讓所欲決  
者在今濬縣西南五十里詳卷首帝丘由此言之  
古澶淵地約當在今內黃之南開州之西北杜預  
又云近戚田今戚城在開州北七里尤可證也其  
澶淵之名則隨世而移隋開皇十六年割臨河內  
黃頓丘三縣地置澶淵縣史家避神堯諱改為澶  
水其地在今開州西二十里貞觀間廢唐武德四

年置澶州于魏所移之頓丘其地當兩河之驛路  
晉天福三年徙州治跨德勝津德勝津者五代梁  
貞明四年晉王存勗所築之夾河寨也其地在今  
開州城南五里往時大河經流于此河之南北各  
築一城故謂之夾河寨胡氏曰時河流濶遠兩城  
相距三十里梁將王彥章奪而守之石晉時瀛莫  
諸州皆入于契丹河北無藩籬之限于是移澶州  
跨德勝津并頓丘縣亦隨州而移治郭下作浮橋  
以通東北謂之澶州河橋于是兩城有南澶北澶  
之目宋仍曰澶州亦曰澶淵郡鎮寧軍節度使景  
德初契丹入犯寇勸帝親征駕至南城衆請駐  
蹕準固請渡河御北城門樓士氣百倍自後奉御  
容立原廟益為重鎮自景德至慶歷河屢決澶州  
熙寧十年州城圯于水因改築州城以濮陽為州  
即今開州矣蓋澶州三徙皆非春秋會盟之地而  
宋人但以濮陽為澶淵亦因于文人之習稱耳

再按後漢志沛國杼秋縣有澶淵聚劉昭亦引春秋在今徐州蕭縣界此誤也

商任

襄二十一年會于商任杜註闕或曰在彰德府安陽縣地

茅氏

襄二十六年晉成茅氏杜註戚東鄙臣謹按周公諸子之封大率皆衛地如凡共胙在滑此

必茅國也

圉

襄二十六年孫荊敗衛師于圉獲殖綽杜註衛地臣謹按今開州東有圍城

懿氏

襄二十六年晉取衛懿氏六十以與孫氏杜註戚城西北五十里有懿城因姓以名取田六十

井也臣謹按戚城在開州北七里戚城西北二十五里有懿城

羊角

襄二十六年齊烏餘以廩丘奔晉襲衛羊角杜註廩丘今東郡廩丘縣故城是羊角今廩丘縣

所治羊角城是臣謹按水經注廩丘之東南瓠  
河之北有羊角城漢廩丘縣屬東郡晉屬濮陽國  
晉志濮陽國分東郡置廩丘公國有羊角城蓋與  
杜氏小異地理志羊角城一名義城蓋取羊角哀  
為名今東昌府范縣東南之義東保  
有廩丘城及羊角城廩丘詳見齊地

戲陽

昭九年晉荀盈如齊逆女還卒于戲陽杜註魏  
郡內黃縣北有戲陽城臣謹按後漢建武二

年帝自將征五枝幸內黃大破五枝于蕞陽聚章  
懷太子曰蕞陽聚在堯城縣東即戲陽也蕞戲通  
許宜反郡國志內黃有蕞陽聚再按水經注淇  
水入內黃界又東北經并陽城西世謂之辟陽城  
非也即郡國志所謂蕞陽聚又東北經內黃城南  
又北經戲陽城東世謂之義陽郭即荀盈卒處依  
此則蕞陽戲  
陽非一地也

厥慙

昭十一年會于厥慙杜註闕公羊作屈銀或曰在衛輝府新鄉縣境

平丘

昭十三年會于平丘杜註平丘在陳留長垣縣西南臣謹按陳留風俗傳云平丘衛靈公所

置邑戰國策黃歇上秦昭王書曰王并蒲衍首垣以臨仁平丘釋之者曰蒲即蒲城衍衍氏首牛首

長垣或曰首垣即長垣也仁一作任今濟寧州古任城也平丘即此地漢置平丘縣屬陳留郡後漢

因之晉廢寰宇記平丘在封丘縣東四十里蓋縣與封丘接壤

平壽

昭二十年齊豹之亂衛侯在平壽杜註衛下邑

蓋獲之門

公孟有事于蓋獲之門外杜註衛郭門

閱門

公闔亂乘驅自閱門入



馬路之衢褚師子申過公于馬路之衢

死鳥公如死鳥杜註衛地

彭水公與北宮喜盟于彭水之上臣謹按詩清人在彭孔疏彭軸皆河上之邑水經註清地水逕

清陽亭南即故清人城也

有閻見周地

相土之東都見首條

殷虛見首條

豚澤定六年魯侵鄭不假道于衛陽虎使季益自南門入出自東門舍于豚澤

沙

定七年齊侯衛侯盟于沙杜註陽平元城縣東南有沙亭臣謹按公羊作沙澤左傳曰盟于瑣杜

註即沙也晉地道記元城縣南有瑣陽城晉太和五年秦王猛圍鄴燕慕容桓自沙亭屯內黃是也

瓦

定八年公會晉師于瓦杜註瓦衛地東郡燕縣東北有瓦亭臣謹按後漢志東郡燕縣有瓦亭燕

縣晉省路史曰瓦卯也衛地有卯亭在胙城今瓦亭在胙城縣東北再按滑縣東有瓦岡隋末翟讓

亡命于瓦岡為羣盜水經注濮渠東逕滑臺城南又東南逕瓦亭南春秋公會晉師于瓦魯尚執羔

是也此瓦亭蓋以瓦岡而得名然二縣接壤或因地近而相襲耳

曲濮

定八年齊侯鄭伯盟于曲濮臣謹按濮渠首受濟水東逕匡城胙亭南燕國過酸棗又東逕

瓦亭濮苑亭桂陵蒲邑豕韋國長垣祭城已而東分二瀆北濮出焉又東逕須城北詩云思須與漕

者也又北逕襄丘東過濮陽故城昔殷師延投濮水死衛靈公于濮上聞新聲召師涓授之者也濮水又東經葭密葭密即楚丘又東北逕鹿乘鄉即鹿上又東逕句瀆之丘又東入乘氏縣由鉅野以入濟曲濮為濮水折處猶言河曲汾曲也

鄭澤

定八年晉師將盟衛侯于鄭澤杜註自瓦還就衛地盟

孟

見前  
歛孟

垂葭

定十三年齊侯衛侯次于垂葭本傳次于垂葭實耶氏杜註垂葭改名耶氏高平鉅野縣西南

有耶亭臣謹按鉅野縣今屬兗州府再按水經注濮水過濮陽東逕葭密即楚丘衛有兩楚丘此

楚丘又與兩楚丘絕遠疑漢濟陰郡有葭密縣宣即垂葭與

朝歌

前見

牽

定十四年會于牽杜註魏郡黎陽縣東北有牽城臣謹按本傳晉人圍朝歌公會齊侯衛侯于脾

上梁之間杜註脾上梁間即牽牽公羊作堅又作擊路史曰魏之內黃西南三十里有故牽城晉黎

陽在今濟縣地與內黃為連壤也

鐵

哀二年晉趙鞅鄭罕達戰于鐵杜註鐵在戚城南臣謹按本傳將戰郵無恤御簡子衛太子為右

登鐵望見鄭師衆太子懼自投于車下鐵公羊作栗又作秩水經注河水過濮陽縣北東逕鐵丘南

京相璠曰鐵丘名也今開州北五里有鐵丘地名王合里再按寰宇記頓丘西北五里有鐵上稍

遠為蒯囋臺與于城泉源相近又括地志衛南縣東南十五里有鐵丘皆誤

犁

哀十一年太叔疾誘其初妻之娣置于犁杜註犁

平之子奴為犁侯索隱曰犁縣名屬東郡漢表作

黎侯蓋犁與黎通也地里志東郡有黎縣後漢省

是即春秋時衛地矣水經注瓠子河自廩丘成都

城又東徑黎縣故城南又東徑稔至運城廩丘在

今范縣稔在今曹縣而黎居其中度當在今濮州

國在山西黎城縣詩言黎侯失國而寓于衛水經

注以為在黎陽康直以黎為黎侯國繆矣再按

六韜決大疑云武王封湯後于犁殷後于宋則自

外州

太叔疾淫于外州  
杜註外州衛邑

作犁陽  
此又誤

巢 鄔 少 禘

衛莊公復太叔疾使處巢死焉殯于鄔葬于少禘杜註巢鄔少禘皆衛邑

叔 臣謹按寰宇記曰巢亭在襄陵縣南二十里太疾所處也名勝志曰睢州南有巢亭漢襄邑縣

在今 睢州

黃池

哀十三年晉侯及吳子會于黃池杜註陳留封丘縣南有黃亭近濟水胡傳黃池衛地 臣謹

按漢地理志魏郡內黃縣應劭曰春秋晉侯吳子會于黃池今黃澤在西臣瓚曰國語吳子會諸侯于黃池掘溝于齊魯之間今陳留外黃有黃溝是也史記曰伐宋取黃池然則不得在魏郡明矣師古曰瓚說是也應說失之後漢郡國志陳留郡平丘縣有黃池亭劉昭曰吳盟黃池因子服景伯以還及戶牖然則黃池在戶牖西或以為外黃縣東溝非也陳留志黃池在封丘酌乎二說之間內黃

距封丘已遠古平丘在令長垣縣西五十里與封丘接壤其說差近國語曰吳王夫差起師北征闕為深溝于商魯之間北屬之沂西屬之濟以會晉公午于黃池沂水出蓋縣臨樂山入于泗而濟水在封丘縣南時夫差既溝通江淮遂率舟師自淮入泗自泗入沂復穿魯宋之境連屬水道有不通者鑿而通之以達于封丘之濟即杜氏所謂近濟水也其道已回遠矣故王孫雄曰無會而歸越閭章矣齊宋徐夷將夾溝而扈我也其近濟之溝則謂之黃溝水經注曰濟水自陽武縣又東徑封丘縣南又東逕大梁城北又東逕小黃縣之故城北有黃亭臨溝又謂之黃溝縣故陽武之東黃鄉也因水以名縣沛公起兵野戰喪皇妣于黃鄉即此又曰河水舊于白馬南洑通濮濟黃溝魯惠公敗宋師于黃是也今在考城縣即劉昭所謂外黃東溝也是役也吳人囚魯子服景伯以還及戶牖歸

之杜註戶牖陳留外黃縣西北東昏城是東昏城  
今在蘭陽東北二十里故戶牖鄉陳平所封也外  
黃城在今杞縣東北六十里蓋吳人溝通之路由  
今考城過杞縣北境歷蘭陽而至于封丘也如謂  
黃池在內黃則黃溝非進兵之路如謂黃池在外  
黃則戶牖反在其西不應為歸路此薛瓚劉昭所  
以鯁鯁辨之惟杜氏之說為不可易矣春秋後黃  
池為宋地史記韓昭侯二年宋取後黃池又魏世  
家惠王十六年侵宋黃池宋復取之是  
也今封丘縣西南有黃池東西廣三里

平陽

哀十六年衛侯飲孔悝酒于平陽杜註燕縣東  
北有平陽亭臣謹按水經注引春秋傳孔悝

為蒯瞶所逐載伯姬于平陽行于延津延津即鄭  
廩延邑亦曰延壽津今滑縣東南五十里有韋城  
韋城西二十里有平陽城亦曰  
平陽亭燕縣今胙城蓋連壤也



藉圃

哀十七年衛侯為虎幄于藉圃杜註藉田之圃也又二十五年衛侯為靈臺于藉圃

昆吾之觀

哀十七年衛侯夢于北宮見人登昆吾之觀曰登此昆吾之墟綿綿生之瓜杜註衛

有觀

在古昆吾之墟今濮陽城中臣謹按今開州東二十五里有古顓頊城城中有古昆吾臺相

傳夏昆

吾氏所築春秋時屬衛漢為濮陽縣地隋開皇元年析置昆吾縣屬滑州大業初廢唐武德

四年復

置昆吾縣屬濮州八年仍省入濮陽志云顓頊城一名東郭城隋置昆吾縣于此又廢臨河

縣東北

三里亦顓頊城

冷

哀二十五年衛侯出奔將適冷杜註近魯邑

春秋地名攷畧卷七

欽定四庫全書

經部

春秋地名考畧卷八

詳校官監察御史<sub>臣</sub>劉湄

給事中<sub>臣</sub>溫常綬覆勅

總校官庶吉士<sub>臣</sub>倉聖脉

校對官助教<sub>臣</sub>羅萬選

謄錄貢生<sub>臣</sub>周培

欽定四庫全書

春秋地名攷畧卷八

詹事府詹事高士奇撰

楚上

國於丹陽

史記楚世家楚之先出于祝融祝融生陸終陸終生子六人少曰季連周文王之時

季連苗裔白鬻熊為文王師三傳熊繹當周成王之時舉文武勤勞之後而封熊繹于楚蠻封以子男之田姓羊氏居丹陽徐廣宋忠皆曰在南郡枝江縣後漢志白枝江有丹陽聚是也而郭璞註山海經則曰丹陽在秣歸章懷太子曰丹陽在秣歸東南括地志曰巴東縣東南四里歸故城丹陽也

為說不同按昭十二年子草對楚靈王曰昔我先  
王熊繹辟在荆山篳路藍縷以處草莽跋涉山林  
以事天子唯是挑弧棘矢以共禦王事杜注荆山  
在新城汭鄉縣南水經注汭水上通梁州沔縣東  
逕新城之汭鄉縣謂之汭水又東歷軫鄉謂之軫  
水又東歷宜城西山謂之汭溪東流合于夷水謂  
之汭口後漢志臨沮侯國有荆山山海經曰荆山  
之首曰景山荆州記曰臨沮西北三十里有清溪  
溪北有荆山首曰景山即卞和抱璞處唐六典山  
南道名山曰荆山其山三面險絕惟西南一隅通  
人徑頂有池旁有石室相傳為卞和宅是景山亦  
稱荆山矣水經注荆山以西岡嶺相接皆謂之西  
山寰宇記曰房陵有三十五溪三十四山景山其  
發源處也漢臨沮縣在今南漳縣境汭鄉縣晉太  
康中立屬新城郡宋曰祁鄉後周省在今房縣南  
又房縣西南有景山自宜城南漳以至房縣迤邐

而西與歸州相接丹陽在秭歸之說似可信矣水  
經注江水逕魚復縣之故陵又東為落牛灘有六  
大墳庾仲雍曰楚都丹陽所葬杜佑通典曰楚初  
都丹陽今秭歸東南故城是後移枝江亦曰丹陽  
也蓋諸侯徙都常襲前都之名如晉遷新田仍謂  
之絳也歸州之丹陽城夏啟臣孟涂所居一名屈  
沱楚王城袁崧曰屈原有賢姊聞原放逐亦來歸  
因名曰秭歸即離騷所謂女嬃之嬋媛也荊州記  
曰縣北一百里有屈平故宅方七頃累石為基今  
其地名樂平宅東北六十里有女須廟漢置秭歸  
縣孫吳以後為建平郡治晉王濬伐吳破丹陽遂  
克西陵蓋秭歸之丹陽也隋廢建平郡存秭歸縣  
屬信州自唐以後皆為歸州治元嘗徙治丹陽城  
明復舊洪武四年康茂才與偽夏將龔興戰于東  
門大破之今其地尚名東門頭丹陽故城今在歸  
州東南七里北枕大江再按楚遷郢後又徙羅

人居枝江故後漢志曰枝江本羅國漢置枝江縣  
魏晉以後因之水經注枝江地夷敞北據大江江  
汜枝分東入大江縣治洲上故名自縣西至上明  
江中碁置九十九洲晉義熙六年譙縱以桓謙為  
荊州刺史自蜀東下屯于枝江荊江刺史劉道規  
擊破之唐宋屬荊州縣治屢徙元還舊治明屬荊  
州府今枝江縣西有丹陽城西魏伐江陵曰為蕭  
氏計席捲渡江直據丹陽此枝江之丹陽也班  
固地理志楚始封在丹陽郡丹陽縣大謬周赧王  
三年楚屈匄伐秦秦大破楚師于丹陽斬首八萬  
此又一丹陽  
在今浙川

遷於郢

史記楚世家熊繹五傳熊渠興兵伐庸揚粵  
至於郢立其長子康為句亶王中子紅為郢

王少子疵為越章王張瑩曰句亶今江陵蓋即郢  
也厲王暴虐熊渠畏其伐去王號熊渠卒子熊擊

紅立七傳熊儀是為若敖若敖傳霄敖傳  
冒蚘冒傳熊通復稱王是為楚武王武王之  
子文王熊賁始都郢文王立于魯莊公五年  
依此則春秋初楚尚都丹陽也乃桓二年書  
蔡侯鄭伯會于鄧左傳曰始懼楚也杜注楚  
國今南郡江陵縣北紀南城也桓六年楚武  
王侵隨武王立十九年而入春秋然則都郢  
不始于文王矣孔穎達曰世本及譜皆云武  
王徙郢也臣謹按昭二十三年子囊城郢沈尹  
戌曰若敖蚘冒至于武文土不過圻慎其四  
境猶不城郢今土數圻而郢是城不亦難乎  
依此則楚之居郢已久并不始于武王又疑  
諸侯徙都必數世而後定秦之自西垂而東  
徙也文公始營汧渭之間寧公居平陽至德  
公而定都于雍楚人徙郢當亦如是故樂武  
子言若敖蚘冒篋路藍縷以啟山林可見  
經營已久至武文而始定耳漢地理志曰南  
郡江陵縣故楚郢都蓋謂紀南



城在其境內也宋仲子曰南都江陵縣北有郢城蓋即以紀南為郢也語雖似不齊而實與杜合皇覽云孫叔敖冢在南郡江陵故城中白土里民傳孫叔敖曰葬我廬江陂後當為萬戶邑去故楚都郢城北二十里尤明確矣蓋江陵有三城紀南城其一也其二曰故郢城秦克郢而置郢縣漢因之屬南郡漢志註曰楚別都又曰故郢蓋楚未都紀南時常居之或即若敖蚡冒之所營而不可考矣其三曰江陵城輿地記秦分郢為江陽縣漢景帝三年改名江陵此說似誤秦封共敖為臨江王都江陵則秦時已名江陵矣紀南城在今荊州府北十里春秋僖十二年黃人不共楚職曰自郢及我九百里焉能害我文十年子西沿漢沂江入郢王在渚宮下見之文十四年楚莊王立公子變子儀作亂城郢而使賊殺子孔不克襄十四年楚子囊還自伐吳卒將死遺言謂子庚必城郢杜注楚徙

都郢未有城郭公子變公子儀因城郢為亂事未  
得訖子囊欲訖而未遂故遺言見意昭二十三年  
囊瓦城郢杜注楚用子囊遺言已築郢城矣今畏  
吳復增修以自固定四年吳入郢五年吳師敗還  
楚復入郢楚記楚郢都南面舊有二門一曰修門  
一曰龍門東面亦有二門屈原哀郢顧龍門而不  
見孰兩東門之可蕪招蒐篇云蒐兮歸來入修門  
些秦昭襄王二十九年大良造白起攻楚取郢三  
國吳朱績傳追魏將王昶及于紀南去江陵城三  
十里水經注江陵西北有紀南城楚文王自丹陽  
徙此平王城之梁簡文帝荊州歌云紀城南里望  
朝雲雉飛麥熟妾思君是也胡氏曰江陵舊有三  
城陳光大二年遣吳明徹圍江陵後梁主歸出頓  
紀南周將高琳等與梁將王操守江陵三城擊敗  
陳軍蓋漢郢縣至後漢已省入江陵獨有城在故  
謂之三城也元和志江陵有東西二城蕭贇稱藩

于魏居西城魏置摠管以輔之居東城是又指郢  
縣紀南二城也紀山在府城北四十里府之主山  
也紀南城以山而名再按史記索隱楚都郢今  
在江陵北紀南城是平王更城郢今江陵東北故  
郢城是此誤也杜預歷注甚明始終止一紀南城  
並無平王所城別是一城之說且漢地里志言平  
王所城即文王所遷之郢水經注亦然故郢別都  
不見于春秋或在春秋以前耳又盛弘之荊州記  
昭王十年吳通漳水灌紀南入赤湖進灌郢遂破  
楚又楚子革曰我先君辟處荆山以供王事遂遷  
紀郢此尤不經之說傳稱吳師自豫章與楚夾漢  
而軍五戰及郢昭王遂出走是則楚未嘗守吳未  
嘗攻安得有決水灌城之事且吳未入郢時亦未  
嘗過郢而西也惟是漢地里志漳水出臨沮東至  
江陵入赤湖由陽水以入沔與水經注所載不同  
今赤湖在荊州府城西北下流入揚水揚水即陽

水也然漳水自合沮水逕當陽以入江不復入赤湖矣蓋當時水道實如此存以志古今陵谷之變則可其實決水灌城事不見于經傳也水經注江陵西南有赤坂岡下有瀆水東北流入城名曰子胥瀆蓋吳師入郢所開也謂之西京湖又東北出城注于龍陂陂北有楚莊王釣臺又逕郢城南東北流謂之揚水似即指此然則瀆開于入郢後非灌城也又言此瀆為靈王漕運所開姑不深辨第言先灌紀南次及郢則紀南非郢復與杜注相違矣若子革所言先君則熊繹也如謂熊繹已居郢誰居丹陽乎况紀南之名非春秋時所有安得出于子革之口種種難合殆不可信江陵城即春秋時之渚宮文十年王在渚宮水經注今江陵城楚船官地即春秋之渚宮也晉大司馬桓溫及其弟冲皆保據渚宮上明梁元帝及荆南高從誨于此築臺榭亦仍渚宮之名蓋相傳甚久矣漢高帝

時為南郡治景帝二年封子闕為臨江王都江陵  
 中二年復為南郡東漢以後因之三國初屬蜀漢  
 後屬吳東晉後嘗為重鎮梁元帝都此為西魏所  
 陷遷後梁居之為藩國隋并梁置荊州大業末蕭  
 銑據之唐平銑復為荊州上元初建為南都尋罷  
 五代時高季興據此稱南平宋曰江陵府元改路  
 隋唐嘗改州為郡宋元亦屢改府路之名然皆不  
 久復故也明曰荊州府治江陵縣府城相傳為蜀  
 將關羽所築內有牙城謂之金城晉宋時凡城內  
 牙城皆謂之金城義熙八年劉裕遣王鎮惡襲劉  
 毅攻其金城毅走死梁元帝建都時魏攻江陵帝  
 退保金城既而降于謹使長孫儉入據金城是也  
 再按商頌曰捷彼殷武奮伐荆楚又曰惟此荆  
 楚居國南鄉鄭氏曰荆楚荊州之楚國也蓋古已  
 有楚國熊繹  
 再封之也

又遷於郟

定四年令尹子西遷郟于郟臣謹按僖公二十五年秦晉伐郟楚鬬克屈禦寇以

申息之師戍商密秦師囚之以歸杜注郟本在商密秦楚界上小國其後遷于南郟郟縣商密郟別

邑今南鄉丹水縣孔穎達曰言本在商密者據在後移都稱舊郟以為本也晉書丹水縣屬順陽郡

考建安十三年曹操分南陽立南鄉郡晉武帝改曰順陽預著書時尚未改名耳文五年秦人入郟

蓋楚人戍以爭之而不克因遂徙之南郟當在此後矣史記楚世家昭王十二年吳伐楚取番楚恐

北去徙都郟蓋仍謂之郟故曰遷郟于郟也水經注沔水逕郟縣故城南古郟子之國自商密遷此

為楚附庸楚滅之以為邑縣南臨沔津津南有石山上有古烽火臺即楚昭王所都所謂鄢郟也又

曰沔水過宜城縣東夷水注之白起攻楚引西山谷水即是水也舊城水從西灌城東為熨斗陂又

為土門陂水自陂東入城故鄢郢舊都也又曰  
楚于城東穿渠謂之本里溝云秦于其地置若縣  
屬南郡漢因之後漢改為郡縣晉因之晉又分郡  
縣地置樂鄉縣史記正義曰襄陽南二十一里有  
廢樂鄉縣有郡亭山郡鄉郡水元嘉六年以三  
輔流民出襄陽僑置馮翊郡沈約志曰郡初治襄  
陽後治郡是也後周郡廢既取江陵置郡州于樂  
鄉縣隋廢州以郡縣屬襄州大業末廢郡縣入樂  
鄉縣括地志郡城東五百里有楚王城西南去樂  
鄉三十三里唐武德四年以樂鄉及襄州之率道  
上洪二縣置郢州尋廢五代周又廢樂鄉縣入宜  
城今郢城在宜城縣西南九十里樂鄉城在荆門  
州北八十里再按漢地里志楚昭王畏吳自郢  
徙郢尋復遷郢史記襄王二十一年秦白起拔我  
郢燒先王墓夷陵楚王東北保陳城即故陳國也  
謂之郢陳考烈王遷鉅陽或曰即潁州西北之細

陽城也二十二年又遷壽春命曰郢即今壽州三傳而負芻為秦所滅據水經注白起所拔之郢為鄢郢則班固尋復還郢之說似未確水經注又云滄浪之水纏絡鄢郢地連紀郢咸楚都矣然則郡謂之鄢郢江陵謂之紀郢後人通稱耳

### 沈鹿

桓八年楚子合諸侯于沈鹿杜注沈鹿楚地臣謹按今安陸府鍾祥縣東六十里有鹿湖池深不可測相傳有白鹿入此

### 郊郢

桓十一年次于郊郢杜注郊郢楚地臣謹按近志以安陸府為郊郢攷本傳鄭人軍于蒲騷將與隨絞州蓼伐楚師莫敖患之鬬廉曰鄭人軍其郊必不誠且日虞四邑之至也君次于郊郢以禦四邑我以銳師宵加于鄭杜注鄭國在江夏雲杜縣東南有鄭城蒲騷鄭邑今德安府故鄭國也



蒲騷在應城縣雲杜在景陵縣安陸府治亦雲杜  
縣地而德安在其東因謂安陸府為郟郟以地勢  
度之亦相近也三國吳為石城戍羊祜都督荊州  
進據之開建五城收膏腴之地墾田八百餘頃石  
城以西盡為晉有吳于是日感劉宋泰始六年置  
長壽縣屬竟陵郡齊因之西魏改為長壽縣置石  
城郡治焉後周置郟州隋仍之唐暫廢州尋復置  
五代宋因之元為安陸府明洪武初降為州以附  
郭長壽縣省入嘉靖十年以潛邸升為承天府置  
縣曰鍾祥今仍為安陸府前代以江陵為荊州而  
于此置郟州蓋因郟故又城邑攷曰郡城上據  
崇丘旁控石城下臨漢水蓋險固地也當時四國  
之境相去甚遠隨在隨州蓼在固始州在監利絞  
在郟陽不能一時遽集而郟郟則居中扼要之地  
也故鬪廉使屈瑕據之黨羽既離因  
伐其孤軍觀其取勝可以知地勢矣

彭

桓十二年楚伐絞楚師分涉于彭杜注彭水在新

城昌魏縣

臣謹按孔疏引釋例云彭水至南鄉

筑陽縣入漢水經注筑水出梁州新城郡昌魏縣

界杜預以為彭水也縣以黃初中分房陵置筑水

東南流逕筑陽縣水中有孤石挺出如竹根而黃

色見者多凶筑水又東逕筑陽縣故城南故楚附

庸國也秦平郢立以為縣建武元年封吳財為

侯國筑水又東流注于沔後漢志房陵有筑水是

也昌魏縣後周廢今地在房縣西南筑陽縣隋廢

今地在穀城縣東蓋彭水源于房而流入穀城境

也絞國或言在鄖陽西北泥于杜氏昌魏之說耳

按本傳云伐絞之役楚人分涉于彭羅人欲伐之

使伯嘉謀之三廵數之則絞當近羅矣杜注羅國

在宜城宜城與筑陽相近然則楚人所涉當是筑

陽之彭水也

鄆

桓十三年及鄆亂次以濟杜注鄆水在襄陽宜城縣入漢臣謹按孔穎達曰釋例鄆水出新城汴

鄉縣東南經襄陽至宜城縣入漢水經注夷水桓溫父名夷改曰蠻水源中廬縣康狼山山與荆山相隣其水東南流歷宜城西謂之夷谿又東南逕羅川城故羅國也又謂之鄆即春秋所謂楚人伐羅渡鄆者也又東合零水零水即汴水也汴水逕新城之汴鄉縣合于夷水逕蠻城南蠻城在宜城南三十里春秋若敖自羅敗退及鄆亂次以濟者也又東注于沔今羅川城在宜川縣西二十里中廬即春秋時廬戎國今其故城在南漳縣東五十里皆近鄆水故曰及羅羅與廬戎兩軍之大敗之也孔疏廬一作廬唐建中十二年襄帥梁崇義拒命淮寧帥李希烈擊之循漢而上大敗崇義將翟暉于蠻水即此也今蠻水出自房縣經南漳至宜城縣南四十里地名破河腦入于漢江縣西南九

里有古鄢國楚為鄢縣昭十二年王沿夏將欲入鄢杜注順漢水入鄢也鄢楚之別都後楚徙鄢于郡兼稱鄢鄢楚又嘗自郡徙鄢踰年而復頃襄王十六年與秦昭王會于鄢秦昭襄王二十八年大良造白起攻楚取鄢高誘曰秦兵出武關則臨鄢下黔中則臨鄢也秦亦為鄢縣漢改縣曰宜城屬南郡蓋治此漢志曰宜城故鄢惠帝三年改名是也劉宋築宜城大堤改置華山縣而故城遂廢志亦謂之宜城廢縣

荒谷

桓十三年莫敖繼于荒谷羣帥囚于冶父以聽刑杜注荒谷治父皆楚地臣謹按荊州記州

東三里餘有三湖湖東有水名荒谷又西北有小城曰冶父水經注揚水逕郢城南又東北路白湖注之湖在大港北港南曰中湖下曰昏官湖三湖合為一水東逕荒谷荒谷東岸有冶父城水盛則

南通大江否則南迄江隄北逕方城西方城即南蠻府也今荒谷在荊州府西治父城在府東

冶父

見上

栲木之下

莊四年楚武王卒于栲木之下杜注栲木名臣謹按孔疏云栲或為曼或為朗

杜直云木名不知木何所似木有似榆者俗呼為朗榆蓋為朗也淮南子泥塗淵出栲今承天府

治東一里有栲木山一名武陵蓋以楚武王卒于此而得名也上有青泥池一名青泥山三國志魏

樂進興關羽相拒于青泥山祝穆曰即栲木山也

澇

莊四年除道梁澇杜注澇水在義陽厥縣西東入鄖水梁橋也臣謹按孔疏云除道謂除治新道

梁澇作梁于澇故為橋也釋例曰義陽厥縣西有祭水源出縣北從縣西東南至隨縣入鄖水杜以

溱解澁蓋聲相近而字轉耳水經注澁水出隨縣  
西北黃山澁西縣西又東南澁水入焉澁水出桐  
栢山之陽東南經澁西縣又東南入于澁澁水又  
東南逕隋縣故城西春秋除道梁澁軍臨于隋謂  
此水也水側有斷蛇丘隨侯出見大蛇中斷舉而  
藥之後蛇銜珠報德故謂斷蛇丘丘南有季良大  
夫池又南與義井水合又南注于湏按隨縣即今  
隨州也元和志曰澁水在隨城西四十里職方豫  
州其浸波澁此澁水也亦作槎今澁水出栲栳山  
東流至州北百十里有魯城河流合焉南流至唐  
城鎮又東南流至安貴鎮入湏澁西縣春秋時唐  
國晉置澁西縣屬義陽郡宋齊因之梁置下澁戍  
于此後魏正光中侵梁破下澁戍亦置澁西縣并  
義陽郡治焉尋復入梁太清末湘東王繹與岳陽  
王詵相攻西魏將楊忠自穰城救詵于襄陽至義  
陽太守馬伯符以下澁城降即澁西也西魏因改

涿西為下澁縣置肆州尋改唐州隋開皇初郡廢  
十六年改下澁縣曰唐城屬隨州大業末廢唐開  
元二十六年分棗陽縣地復置唐城縣屬隨州宋  
因之元廢今為唐城鎮地在隨州北八十五里杜  
氏通典下澁戎在棗陽縣東南再按諸家明言  
有澁水而孔氏以為滌不可解又謂涿西縣為厥  
縣亦  
誤也

漢汭

莊四年莫敖以王命入盟隨侯且請為會于漢  
汭而還濟漢而後發喪杜注汭內也謂漢西

臣謹按是役也王薨于行莫敖秘不發喪除道梁  
澁以虛聲警隨而隨人請成孔疏曰莫敖既與隨  
侯盟又請隨侯會于漢水之內而後還楚也隨侯  
畏楚遂從莫敖會禮訖隨侯濟漢歸國而後發王  
喪也今漢水自襄陽府城北折而東南經宜城縣  
之東又經承天府城之西荆門州之東復東南出

經潛江縣北及景陵縣南又東歷沔陽州北及漢川縣南至漢陽府城東北大別山下會于大江此漢沔乃襄陽以南至承天之漢水也自襄陽至承天七百里自承天至沔陽七百里隨國為今隨州西至襄陽府一百五十里今承天府則楚之郊野也漢東之國隨為大故西境特廣踰漢而後為楚地也史記楚昭王曰先王之封望不過江漢蓋楚之初未能有漢望祭而已桓八年楚武王侵隨軍于漢淮之間始漸規取漢上之地吳之伐楚也與楚夾漢而軍而楚岌岌矣今隨州東南三十里有光化城志云本楚子城也左傳所謂軍于漢淮之間者蓋築城于此以逼隨也蕭齊置安化縣西魏改新化後周又改為光化縣隋以後因之屬隨州宋熙寧中移縣置于襄陽境而隨州之光化廢為鎮是則隨國之南境也淮源出桐柏在隨州之北故曰漢淮之間



那處

莊十八年初楚武王克權使鬬緡尹之以叛圍而殺之遷權于那處及丈王即位與巴人伐申

而驚其師巴人叛楚而伐那處取之遂門于楚閭救游涌而逸杜注那處楚地南郡編縣東南有那

口城臣謹按水經沔水逕當陽縣之章山東又東右會權口權水出章山東南流逕權城北古之

權國也東南有那口城春秋遷權于那處是也權水又東南入于沔史記周公輔成王封其弟季載

于冉孔氏曰冉亦作那或作那皆讀曰然今那口也荆門州志亦謂之權國城今那口城在荆門州

東南漢編縣屬南郡晉宋齊因之蕭梁末廢亦謂之編都城都邑攷州治東東山頂平夷號太平頂

上有楚望亭漢編縣所理也

涌

見上杜注涌水在南郡華容縣閭敷既不能守城又游涌水而走臣謹按水經注江水當華容

縣東南涌水出焉又東涌水注之涌水自夏水南通于江謂之涌口閻敖游涌而逸于二水之間者也晉元興三年桓玄敗傳首建鄴從子桓振遷于華容之涌中又義熙六年劉道規鎮荊州討盧循將荀林于涌口林走追斬之于巴陵是也今在監利縣東南乃夏水支流志云涌水從乾谿中湧出俗名乾港湖在縣西北四十里似誤

### 津

莊十八年巴人伐楚十九年楚子禦之大敗于津杜注為巴人所敗津楚地或曰江陵縣有津鄉

臣謹按水經注枝江縣西三里有津鄉里名也春秋巴人伐楚楚子禦之大敗于津應劭曰南郡江陵有津鄉今則無聞矣郭仲產云尋楚禦巴人枝江是其塗依此則杜氏之說蓋本之應劭原自謂不審鄢元辨之當矣後漢建武四年岑彭拔夷陵謀伐蜀分軍屯江關夷陵夷道諸處而自引兵還

屯津鄉當荆門要會十一年岑彭自津鄉攻田戎于荆門克之是也杜佑曰津鄉在江陵城東亦用

應說今枝江鄉西三里有津鄉

湫

莊十九年楚子伐黃還及湫有疾杜注南郡郟縣東南有湫城臣謹按今宜城縣西南有郟城湫

城在其地楚靈王時為伍舉采邑國語有湫舉子湫鳴韋昭曰湫楚邑

夕室

夏六月卒鬻拳葬諸夕室杜注夕室地名

陘

傳四年遂伐楚次于陘杜注陘楚地潁川召陵縣南有陘亭臣謹按蘇秦以合從說楚曰楚北有

汾陘之塞鮑彪注曰陘名陵陘亭也汾在襄城詳本條又蘇秦說韓曰韓南有陘山蓋二國皆恃此

為險也史記楚威王十一年魏伐楚取陘山戰國策韓宣惠王時秦攻陘韓使人馳南陽之地秦已

馳又攻陘韓因割南陽之地秦受地又攻陘後漢志召陵有陘亭皆此也蓋陘在楚則為北塞在韓則為南塞秦已得志于楚則又自陘以攻韓之南境也徐廣曰陘山絕之名今許州郟城縣召陵城南有陘亭郟亦漢縣屬潁川郡再按桓惠王十年拔我陘城汾旁鮑註即此陘誤也陘城汾旁在河東別見晉地再按新鄭亦有陘山在縣南三十里蓋陘塞綿亘甚遠也

# 召陵

傳四年楚屈完來盟于師盟于召陵杜注召陵潁川縣也左傳師退次于召陵臣謹按昭十

四年楚屈罷簡東國之兵于召陵定四年諸侯會于召陵謀伐楚也史記秦惠王後十四年伐楚取名陵即此漢置召陵縣屬汝南郡水經注汝水別瀆世謂之大滙水東南逕召陵縣故城南齊桓公師于召陵責楚貢不入即此處也城內有大井徑數丈水至清深闊駟曰召者高也其地丘墟井深

數丈故以名焉又東南逕征羗縣故召陵縣之安陵鄉也東漢光和末黃中賊敗汝南太守趙謙于召陵晉屬潁川郡宋永初三年魏人南侵司州刺史毛德祖遣長社令王法政戍召陵後魏仍屬潁川郡隋大業初省括地志召陵故城在鄆城縣東四十五里今同

### 水濱

僖四年屈完曰昭王之不復君其問諸水濱杜注昭王時漢非楚境故不受罪臣謹按孔穎

達云楚國居丹陽宋仲子曰丹陽南郡枝江縣枝江去漢其路甚遙也水經注沔水逕江夏雲杜縣又東逕左桑昔昭王南征船人膠舟以進之昭王渡沔中流而没死庾仲雍言百姓佐昭王喪于此成禮故曰佐喪左桑字失體耳又導村有大斂口言昭王于此殞斂沔水又東逕橫桑又東得鄭潭口鄭武公與王同溺水故名今景陵縣東南有橫桑口東晉初荊州刺史鄭攀等作亂拒刺史王廙衆

心不一散還橫桑口即此再按呂氏春秋周昭  
王親將征荆蠻辛餘靡長且多力為王右還涉漢  
梁敗王及祭公隕于漢辛餘靡振王北濟反振祭  
公高誘引此註春秋傳孔穎達非之曰王没于漢  
辛餘靡馬得振王北濟又稱梁敗非復船壞皆誤  
也愚謂造舟為梁舟亦可謂之梁振王北濟即左  
桑之說呂覽  
未為盡失也

### 方城

屈完曰楚國方城以為城漢水以為池杜注方  
城山在南陽葉縣南以言竟土之遠漢水出武

都至江夏南入江言其險固以當城池臣謹按  
方城山名括地志云葉縣西南十八里有方城山  
今在裕州東北四十里蓋州境本古葉地今葉縣  
正在州北也楚人因山為固築連城東向以拒中  
國則屈完所謂方城以為城也僖二十五年楚子  
入居于申杜注曰申在方城內故曰入丈三年晉

陽處父帥師伐楚以救江門于方城襄十六年荀偃伐楚侵方城之外二十六年伯州犂曰穿封戌方城外之縣尹也昭十八年遷許于析而收其葉地曰葉在楚國方城之外蔽也定四年吳伐楚舍舟淮汭左司馬戌謂子常曰我悉方城外以毀其舟哀四年謀北方致方城外于繒關十六年葉公居方城之外每以內外出入為言知有城甚明杜氏但言封境之遠似未盡矣蓋屈完時所保止此其後拓地漸東又以申息為重鎮文公十六年羣蠻叛楚申息之北門不啟哀十七年子穀曰文王縣申息封畛于汝是也申即今之南陽居西息即今之息縣居東蓋申在方城內息在方城外也靈王之滅陳蔡規舊許城東西兩不羹方城之外封竟甚遠而申之會則又召諸侯于方城之內當是時以方城外之守似輕至平王初立乃復置守于葉總總以方城外蔽為慮前後參觀方城之重于楚可知

矣史記魏使公孫喜韓使暴鳶攻楚方城曹魏太和二年張卽伐吳屯于方城即此其築城之迹亦時見于書傳荀子曰限之以鄧林緣之以方城水經注濰水出黃城東北逕方城郭仲嘉曰苦菜于東之間有方城東臨溪水苦菜即黃城及于東通為方城矣尸子曰楚狂接輿耕于方城盛弘之曰葉東界有故城始犂縣東至觀水逕沘陽界南北連連數百里曰方城一謂之長城水經注又云楚威周衰控霸南土欲爭強中國多築列城于北方以逼華夏號曰萬城亦曰方城唐勒秦土論曰我是楚也世霸南土自越以至葉垂弘境萬里故曰萬城犂城在今魯山縣東濰水即舞水與觀水俱歷舞陽泌陽之境古沘陽縣更始立在今唐縣界今自葉縣之方城山至唐縣連接數百里一曰長城山即古方城舊蹟也若萬城之名亦偶為侈大耳或者謂訛方城為萬城又轉萬為桓輕量古人



乃爾愚悖極矣方城山漢屬堵陽縣後魏于其地  
置方城縣為襄城郡治西魏改郡名襄邑隋初郡  
廢縣屬滑州唐初置北澧州後改魯州尋省以縣  
屬唐州金為裕州治明初以州治方城縣省入今  
之仍

### 武城

僖六年蔡穆侯將許僖公以見楚子于武城杜  
注武城楚地在南陽宛縣北臣謹按武城故

為中國地申滅屬楚成十六年楚子自武城使公  
子成以汝陰之田求成于鄭鄭叛晉從楚子盟于  
武城襄七年秦人侵晉楚子師于武城為秦援昭  
四年楚靈王田于武城定四年有名黑者為武城  
大夫惠王時公孫朝為武城尹皆此也今在南陽  
府北或謂之武延城俗呼西城又信陽州東北二  
十里有武城春秋時楚舊城也又十道四番志州  
北六十五里有烏疊城郡志今州北六十里有楚

王城即楚武王破申時所築又有太子城與楚王  
城相去四里許門垣基址兩城俱存中可容萬人  
又後漢志安成國有武城亭安成國武帝以封長  
沙定王子蒼地在今汝寧府東南又水經注葛陵  
城東北有楚武王塚民謂之楚王岑亦曰楚王城  
北魏于此置戍亦曰楚王戍地在新蔡縣東北考  
靈王田武城時方為申之會宋太子佐後至辭而  
勿見曰屬有宗祧之事于武城又以徐子為貳執  
諸申可見武城為近申之地而申國在宛杜注是  
也至于楚武王經營北方拓地甚多死而葬于汝  
其所置城邑後人輒謂之武城  
非春秋所謂武城也讀者詳之

郢  
前見

析  
隈

僖二十五年秦晉伐郟楚鬪克屈禦寇以  
申息之師戍商密秦人過析隈入而係輿

人以圍商密昏而傳焉商密人懼曰秦取析矣乃  
降秦師杜注析楚邑一名白羽今南鄉析縣隈隱  
蔽之處係與人詐為克析而得其囚俘者昏而傳  
城不欲令商密知囚非析人臣謹按蔡聲子曰  
子儀之亂析公奔晉杜注事在文十六年昭十八  
年許遷于白羽左傳楚子使王子勝遷許于析實  
白羽杜注於傳時白羽改為析後許遷于容城哀  
十八年楚復封子國于析戰國時秦昭王發兵出  
武關攻楚取析是也秦曰中陽縣漢仍曰析縣屬  
弘農郡魏屬南鄉郡晉初因之後屬順陽郡後魏  
置析陽郡魏收志析陽郡領東西二浙陽縣隋書  
西魏置浙州又改西浙陽為內鄉縣劉昫曰後周  
改曰中鄉隋始曰內鄉也唐武德二年改置析州  
于此貞觀中州廢縣屬鄧州今仍之析隈山今  
在鄧州南七十里  
俗訛為廝隈山

睽

僖二十七年子文治兵于睽杜注楚邑

蔦

僖二十七年子玉治兵于蔦杜注楚邑

連穀

僖二十八年子玉及連穀而死杜注至連穀王無赦命故自穀也臣謹按楚子入居于申使

申叔去穀子玉去宋曰無從晉師杜注申在方城內故曰入子玉既敗王使謂之曰大夫若入其若申息之老何蓋不欲其入方城也然則連穀乃方城外地

泚

僖三十三年晉陽處父侵蔡楚子上救蔡與晉師夾泚而軍杜注泚水出魯陽縣東經襄城定陵入

汝臣謹按泚水即潢水也水經注潢水出南陽魯陽縣西之堯山東逕鞏縣故城北又東南逕昆陽縣故城北又東北過潁川定陵縣西北又東過堰縣南入于汝與杜預所稱源派正合也襄十八

年楚師還自鄭涉于魚齒之下杜注魚齒山在南陽犇縣以地有泄水故曰涉是役也子上亦自鄭還故得與晉夾泚而軍地亦當相近也犇城今在魯陽縣東南五十里定陵在今舞陽縣界又葉縣東北一里有泄水昆陽城亦在葉縣界光武大敗王邑王尋士卒溺死泄水為之不流杜預鎮襄陽引泄洧之水灌良田萬頃唐顯慶二年幸許州畋于泄水之南即此也

### 商

文十年子西為商公汧漢沂江將入郢王在渚官下見之杜注商楚邑今上雒商縣臣謹按孔穎達曰商在漢水北漢水東流而南入于江子西既至商邑聞讒不敢居商縣汧漢水順流而下至江乃泝流逆上渚宮當郢都之南故王在渚宮下見之也古商邑契所封也春秋時屬楚戰國時為商於地蓋近南陽之界秦商君封此張儀以紿楚懷王也漢置商縣屬弘農郡後漢屬京兆尹晉屬上

洛郡後魏皇興四年置東上洛郡永平四年改屬上庸郡後周改縣為商洛縣屬上洛郡隋置商州後因之金貞元二年廢為商洛鎮盛弘之荊州記武關西北百二十里有商城謂此也孔氏曰縣南一里即商洛山今上洛廢縣在商州東九十里再按內鄉縣西有商於城秦孝公封衛鞅以商於十五邑是也又張儀以商於六里之地誑楚裴駘曰有商城在於中故曰商於道元曰丹水經內鄉丹水二縣間歷於中北所謂商於者也杜佑曰今內鄉西七里在於村亦曰於中或曰商即商州於即內鄉也自內鄉至商州凡六百里皆古商於地矣唐上元末淮西轉運使劉晏以江淮粟帛由襄漢越商於以輸京師是也今為商於保

渚宮

見卷首

期思

文十年期思公復遂為右司馬杜注復遂楚期思邑公今弋陽期思縣臣謹按期思古蔣國

楚滅之為期思邑漢置期思縣屬汝南郡英布大夫賁赫封期思侯即此後漢仍汝南郡晉屬弋陽

郡劉宋因之齊永元元年沒于後魏正光中置邊城郡于此水經注淮水逕長陵戌合黃水又東逕

期思縣北是也梁仍為期思縣屬光州陳亦置邊城郡隋初郡廢縣屬光州兵亂後廢今期思在固

始縣西北七十里

阜山

文十六年楚大饑戎伐其西南至于阜山師于大林又伐其東南至于陽丘以侵訾枝杜注大

林陽丘訾枝皆楚邑臣謹按房縣南五十里有阜山

大林

見上臣謹按城邑考荆門州西北有長林城城北有櫟林長坂拱木修竹隱天蔽日即曹操

追先主處胡氏曰長坂在當陽縣東南百二十里  
長林城北蓋自當陽之北而接長林之境皆長坂

也疑此  
即大林

### 陽丘

見上  
考闕

### 訾枝

見上  
臣謹按路史云莊子言堯伐叢枝胥敖  
訾枝即叢枝也水經注枝水出大洪山而西南

流逕襄陽郡西南逕狄城東南注教水教水又西  
南注于沔今鍾祥縣北有激水又有池河即古枝

水二國似皆以水為名  
豈即在鍾祥之境歟

### 廬

文十六年自廬以往振廩同食次于句瀝使廬戰  
黎侵庸杜注戰黎廬大夫臣謹按文十四年廬

戰黎謀殺鬪克杜注廬今襄陽中廬縣國語富辰  
曰廬有荆媯韋昭曰廬媯姓國荆媯廬女為荆夫



人荆楚也蓋即此廬春秋時為廬戎國伐羅傳所  
謂羅與廬戎兩軍之者也其後楚滅之為廬邑孔  
疏廬與廬通是也漢置中廬縣屬南郡晉屬襄陽  
郡宋齊因之水經注沔水東過中廬縣東淮水自  
房陵縣來注之又有水出西山山有石穴出馬形  
小似巴滇馬三國時陸遜攻襄陽得馬數十匹送  
建業蜀使至有家滇池者識其馬毛色其水東流  
一百四十里逕中廬城南名曰浴馬港亦曰騎亭  
言初得馬至此刷而乘之也侯水諸蠻北過是水  
南壅淮川以溉田下流入沔梁于中廬地改置穰  
縣西魏曰義清縣又置歸義郡後周廢郡又省左  
安開南歸仁三縣入馬隋仍曰義清縣屬襄州唐  
因之劉昫曰縣舊治柘林永徽初移治清良是也  
宋初仍舊太平興國六年復曰中廬縣紹興五年  
省入南漳顏師古曰故中廬縣隋諱中改曰次廬  
村蓋時以中廬并入義清也今為中廬鎮在南漳

縣五十里再按自應劭以廬江為古廬子國杜佑馬端臨皆從之後儒辨曰春秋楚之廬子在宜城西山中此中廬之廬非廬江之廬也是矣至于今之廬州治合肥者改自隋時非漢舊也與此尤遠

句滋

見上杜注楚西界地或云在今均州西

選

麋人率百濮聚于選杜注選楚地或曰在今枝江縣南境

阪高

楚人謀徙于阪高杜注楚險地臣謹按或云在今襄陽府西境

涇隰

先君蚡冒所以服涇隰也杜注涇隰地名臣謹按孔穎達曰言服涇隰則涇隰本是他國蚡

冒始服之也釋例涇隰與僖四年次于涇為一地穎川召陵縣南有涇亭楚自武王始居江漢之間

則蚡冒之時未至中土不應已越申息服潁川之  
邑疑非也孔說良是或言荊州府以東多山谿之

險因名

臨品

楚子乘駟會師于臨品分為二隊子越自石溪  
子貝自仞以伐庸杜注臨品地名石溪仞入庸

道或在均州界

石溪

仞見上應在竹山境

葉

宣三年鄭文公生公子士朝于楚楚人酖之及葉  
而死杜注葉楚地今南陽葉縣臣謹按成十六

年楚遷許于葉昭九年復遷許于夷葉仍入楚十  
一年靈王滅蔡遷六小國于荆山許亦與焉十三

年平王立復封陳蔡許亦復居于葉十八年楚左  
尹王子勝言于楚子曰許于鄭仇敵也而居楚地

葉在楚國方城外之蔽也土不可易國不可小楚子使王子勝遷許于析自後以封沈諸梁號曰葉公定五年葉公始見于傅哀四年再見十六年又見蓋自是為楚重鎮矣秦為葉陽漢為葉縣屬南陽郡後漢因之明帝時尚書郎王喬為葉令晉屬南陽國後魏屬南安郡孝昌中置襄州于此東魏因之其地險隘高齊保此以備周後周廢襄州置南襄城郡隋初郡廢以縣屬許州唐初于此置葉州貞觀初州廢縣仍屬許州開元三年置仙州二十六年州廢縣屬汝州宋因之金改屬裕州今仍之古葉城在縣治東有東陂東西十里南北七里志稱沈諸梁所鑿

# 輜陽

宣四年子越圍伯嬴于輜陽而殺之遂處烝野將攻王杜注圍囚也輜陽烝野楚邑臣謹按

漢武帝延和二年淮陽縣圍嗇夫江喜以捕反者城父令功封為輜陽侯

炆 見上  
考闕

漳澁

師于漳澁楚子與若敖氏戰于臯澁杜注漳澁漳水邊臯澁楚地臣謹按釋例云漳水出新

城汴鄉縣南至荆山東南經襄陽南郡當陽縣入沮水經注漳水出臨沮縣東荆山過蓼亭荆山在

新城汴鄉縣雖羣峰競舉而荆山獨秀漳水東南流又屈西南逕編縣南又南歷臨沮縣之章鄉昔

關忠義保麥城詐降而遁潘璋害之于此又南逕當陽縣又南逕麥城東王仲宣賦曰夾清漳之通

浦臨曲水之長洲是也又南至枝江縣北烏扶邑入于沮當陽志漳水在縣北四十里自南漳流入

城沮漳二水合處在縣東南五十里名合溶渡再考德安府西南五十里亦有漳水出大洪山經

京山應城縣界流入境下流合涓水沈括曰清濁相揉者曰漳漳丈也別有雲夢之漳與涓水合流

色理如蜘蛛數十里方混其處謂之漳口陳大建  
十二年後周將元景山等敗陳將樊毅于漳口毅  
退保甌山鎮是也此又一漳  
水與釋例不同存之俟考

臯泚

見上臣謹按路史曰英六貳軫古皆臯  
地臯陶之所封也後皆屬楚泚水濱地名

夢中

宣四年邳子之女生子文嬭夫人使棄諸夢中  
杜注夢澤名江夏安陸縣城東南有雲夢城

昭三年楚子享鄭伯于陸具田備王以田江南之  
夢杜注楚之雲夢跨江南北定四年楚子涉睢

濟江入于雲中杜注入雲夢澤中所謂江南之夢

臣謹按禹貢雲土夢作乂周禮職方荊州藪曰

雲夢爾雅十藪楚有雲夢呂氏春秋荊莊襄王獵  
于雲夢射隨兕得之說苑楚莊王獵于雲夢射科

雄得之戰國策莊辛謂楚襄王馳騁于雲夢之中  
史記秦始皇三十七年出遊行至雲夢望祀虞舜

于九疑又自雲夢浮江下觀籍柯漢六年高祖偽遊雲夢河渠書西方則通渠漢水雲夢之野司馬相如曰楚有七澤其小者名雲夢方九百里後漢和帝永光十五年幸雲夢桓帝延熹七年幸雲夢臨漢水大約皆指邳之雲夢以有古城在也夢音蒙安陸漢縣屬江夏郡晉因之今為德安府附郭雲夢縣在其南四十六里即古雲夢城也雲夢澤在其南六十步又城北有於菟鄉即子文棄處也西魏大統十六年置縣隋唐以後隸屬屢更今屬德安府漢志華容縣南有雲夢澤韋昭云雲夢在華容縣監利志云在縣南即春秋所謂江南之夢者而巴陵枝江荆門皆云有雲夢蓋雲夢跨江南北綿地甚廣而後世悉為邑居聚落故地之以雲夢名者非一而安陸之雲夢為尤著云石晉天福五年馬全節入安州唐兵南遁全節遣將安審暉追之及于雲夢澤中唐將張承業據雲夢橋拒戰

晉兵乃退明一統志德安府南一里有雲夢橋今澤已湮再按祝穆云左氏言夢則不言雲言雲則不言夢雲夢實為二澤其說近是漢陽志云雲在江之北夢在江之南則正與春秋反矣夫曰江南之夢原以別于江北之夢曰涉江入雲中則雲在江南可知矣而杜氏云雲夢跨江南北原自無礙而以雲中與江南之夢混為一地語似未融唐太宗得尚書古本作雲土夢作又詔改從古本蔡九峯註云雲澤跨江之南其地卑水落後而人工晚雖未耕而已土見夢澤跨江之北其地高水落先而人工早業已可耕治矣較與左氏相合存之俟考

滑洳

宣八年楚伐舒蓼滅之楚子彊之及滑洳杜注滑水名臣謹按滑洳當為今廬州府東境

邲

宣十一年楚左尹子重侵宋王待諸邲杜注邲楚地臣謹按是時楚子與陳鄭盟于辰當是近陳



州地或曰在陳  
州項城縣界

沂

宣十一年令尹蔿艾獵城沂杜注蔿艾獵孫叔敖也沂楚邑臣謹按定五年大敗夫槩王于沂即

江國在今汝  
寧真陽縣境

夏州

宣十一年楚入陳鄉取一人焉以歸謂之夏州杜注州鄉屬示討夏氏所獲也臣謹按史記

考烈王元年秦取夏州車盾曰夏口城北數里有洲名夏洲孔穎達曰大江中洲也水經注關駟曰夏口城上有洲名夏洲即沔水入江處盛弘之曰夏洲首尾長七百里地在今漢陽府界但註疏原

云以討夏徵舒而謂之夏洲  
非因夏水得名也存之俟考

江南

宣十二年鄭行成于楚曰其俘諸江南以實海濱亦惟命臣謹按江水自四川巫山縣流入

楚界經巴東縣及歸州之北又東至夷陵州南宜都縣北而歷枝江縣松滋縣之北又歷荊州府城南至公安縣石首縣之北又經監利縣南及華容東北而至岳州府之北又經臨湘縣北而東北流過嘉魚縣西又北至漢陽府城東武昌府城西而會于漢水復北折而東歷武昌府北黃陂縣南又東歷黃州府南武昌縣北又經蘄水縣及蘄州城南與國州之北又東南歷廣濟縣黃梅縣之南而東入江南宿松縣界江南之南岍即江西德化縣界矣遷迴千八百餘里皆當時楚境也初都丹陽在枝江居江南後徙郢都在荊州府居江北別都鄂即武昌府亦在江之南自荊州以南皆楚所謂江南也昭四年田于江南之夢五年復田江南春秋時諸侯滅國多徙其宗族于他竟如晉遷原于冀遷偃陽于霍人是也楚遷權于那處遷六小國于荆山在江北遷羅于枝江遷許于華容在江南

鄭請俘于江南欲自比于此屬耳春秋時未知有南海屈完對齊桓公君處北海寡人處南海不過漫為侈大之辭實非楚境也鄭請實海濱亦因其虛張自貶損以悅之也

### 九縣

請改事君夷于九縣杜注楚滅九國以為縣九縣莊十四年滅息十六年滅鄧僖五年滅弦十

二年滅黃二十六年滅夔文四年滅江五年滅六滅蓼十六年滅庸傳稱楚武王克權使關緡尹之

又稱文王縣申息凡十一國不知何以言九臣謹按楚人拓地始于北境次及于東樂貞子曰漢

陽諸姬楚實盡之杜注謂姬姓之國在漢北者夷考姬姓國之近楚者曰隨曰息曰蓼曰穀隨終春

秋不滅穀在漢南息蓼在淮濡又非漢北蓋楚所吞滅之姬姓國甚多皆不見于經傳也又闕伯比

言于楚子曰吾之不得志于漢東也我則使然又曰漢東之國隨為大隨張必棄小國此經畧漢東

之始也其後滅江滅黃皆非姬姓而吳人謂隨侯曰周之子孫在漢川者楚實盡之則所滅亦多矣鄭所謂九縣者未知何所指也孔穎達曰哀十七年稱文王縣申息言九縣者申息定是其二餘不知所謂蘇氏沈氏以為權是小國庸先屬楚自外為九此說亦未盡然

春秋地名攷畧卷八